

Biblioth. Acad. P. go Gaudi
DE TOTO EO

POEMATIS GENERE,

QVOD EPIGRAMMA

VVLGO DICITVR.

ET DE IIS, QVAE AD

illud pertinent, Libellus.

THOMA CORRAEA AVCTORE.



VENETIIS,

Ex officina Francisci Ziletti. 1569.



A. V. J. P.

3

A D
POTENTISSIMVM

D. SEBASTIANVM.
Primum Regem Lusitanæ &c.

THOMAS CORRAEA.



RINCEPS ingenij, & doctrinae Plato in quinto de rep. felices uocat eas resp. in quibus aut philosophi ad clauum imperij sedent, aut qui gubernacula regni tractat, philosophantur: nec iniuria. cum enim a sapientia tanquam a fonte promanet non modo bene uiuendi ratio, sed etiam honeste, & laudabiliter regendi remp. consilium, & administratio: hominis autem felicitas hac imbecillitate naturæ, & hac mole corporis detenti in eo sita sit, ut honesta, & turpia distinguat, quid expetendum, quid fugiendum sit, cognoscat, secundum eam cognitionem omnes actiones in uita, functionesq; humanas accommodet, (quoniam ad has duas res natum esse ui-

A 2 ri

ri sapientes censuerunt) recte diuinus ille philosophus aut litteratis amandanda esse remp. aut ijs qui litteras colant, oportere iudicauit, ut res omnes secundas adipiscerentur. cum enim nihil in rerum natura sit homini utilius sapientia, nihil ex rebus omnibus humanis praestantius doctrina, planum sane est, nihil etiam esse laudabilius docto, & litterato principe, cuius uitam doctrina informet, ipse totius regni mores componat. Est doctrina in quoquis amanda, est utilis, est laude digna; sed non eodem modo in viro principe, & qui munia publica obeat, atque eo qui se se abdat cum Musis, & intra priuatos parietes cognitionem omnem pertractet. Interest enim per multum inter litteratum principem, & doctum priuatum quempiam virum. Nam si quis repriatur humili, & obscuro loco natus, qui scientijs omnibus animum excoluerit, omni virtutum cohorte sit septus, ornamentis quibusvis ornatus, non tamen eas virtutes in utilitatem omnium conferre, non eodem modo exercere potest, ut vir princeps. Et si enim tam optimatibus & principibus, quam tenuibus, & abiectis hominibus sit commune scientiae ornamentum: non tamen actio, & functio scientia informata ex aequo utriq; conuenit

conuenit. Actio enim virtutum non cadit in quemuis, non conuenit iustitiae moderatio cuiuscunq; non liberalitatis, non temperantiae. Campus sit necesse est, in quo evagentur, & excurrant functiones virtutum. Sint oportet, quibus imperare possis, ut congruenter iustitiae placitis instituas tuas actiones. Sit quod des, desideratur, ut liberalitatem colas: nec illa occasio cuius, nec haec facultas datur, ut in officio esse, & tueri tuas partes possis. Formamur omnes a natura ad haec praestanda: fingimur ut quae laudabilia sunt, sequamur sponte nostra ea quoniam non est integris viribus, sed depravata, & infirma praeceptis instituimus, ut uoluntatem confirmet ratio, & in eam inducat uiam, qua recta ad omnem itur gloriam. Haec si quis habeat, fortunatum eum ego appellabo, atque eo magis, si huc accesserit, ut affluat fortunae commodis: non quod ad beatitudinem praesidij ego ponam aliquid in bonis externis. Sic enim viri consilio, & ingenio praestantes statuunt, virtutem primum esse bonum, & per se expetendam in uita, non alterius boni causa quaerendam. Nam qui virtutem exquirit diuinarum, aut honorum gratia, is nunquam perfectam laudem adipiscetur. Si uero ipsa merito suo

suo per se se appetatur, diligatur, sit in pretio,
eam sane ueram laudem appetenti afferre potest.
Hunc Deus praeter ceteros amasse uidetur, cui
eam mentem dederit, ut praeter ceteros saperet.
Hic nomen suum uindicat a tenebris, exemit ex
obliuione, immortalitati consecrat. Hic est ex
eo genere Heros, que ardens euexit ad aethera
uirtus. Domi uobis Sebastiane Rex potentissi-
me, domi nascitur ista laus, nec foras petenda est
insignis haec, & excellens gloria. Hoc patrimo-
nium ceteris amplissimis haereditatibus Reges
Lusitaniae maiores tui Regiae familiae uestrae
adiungendū putarunt. cui si unquam merito laus
ista tota debetur, debetur sane uni tibi Sebas-
tiane Rex maxime, & debetur iure tuo. Cum enim
tibi ad opes quas tibi summus Deus est elargitus
amplissimas, non modo in Lusitania tua sed in bo-
na Mauritaniae Aethiopiae, Americae parte, in
amplissimis Indiae regnis, in ultimis orbis termi-
nis tuis imperijs regiones subiecerit, prope infi-
nitatis nihil fere possit accedere, nihil ad maiesta-
tem regiam, quem Reges potentissimi plerique
ut principem suscipiant, & colant; ut dominum
obseruent, & uenerentur, & ut amicum diligent,
nihil huiusmodi tamen magni faciendum esse pu-
tasti;

tasti; si solida uirtute destitueretur. Virtutis a-
more inflammatus iam inde a tenera aetate to-
tum te studijs bonis consecrasti: ut qui pulchri-
tudinem uirtutis cerneret animo, nec aliud in ui-
ta magnopere expetendum duceret. Tantum
studio effecisti, & industria, ut quasi regiae ma-
iestatis oblitus, indagandam tibi doctrinam labo-
re & ingenio honestissimum iudicares. Et prima
aetate eam imbiberes sapientia, quae in omni ui-
ta tibi comes, regnis tuis esse & futura modera-
trix. Itaque quod alij multorum annorum curri-
culo uix consequuntur, tandem tu natus deci-
mum quartum annum es adeptus; ut & Latinam
linguam teneas optime, calleas componendi car-
mina rationem, in ceteris disciplinis non sis ru-
dis, in mathematicis uero & cum ingenio, nec si-
ne industria uerseris. Assequeris Rex maxime
hoc tuo studio uel illud, ut cum omnium regum
sis nobilissimus, omnium ad uirtutem accommo-
datissimus, quorum alterum maiorum tuorum
maximis in rebus testata uirtus declarat: alterum
tuo Marte comparaueris, ut natura tua nata ad
omnem uirtutem, & facta uideatur: Sis idem &
habearis omnium doctissimus. Quae laus cete-
ris tuis paeconijs meo iudicio est anteponenda.

Doctrinam

Doctrinam cum dico, virtutis intelligo comitē,
 & administram, nec a uirtute separo sapientiam.
 Hanc te quia consecutum iam, aut consecuturum
 spero assiduo isto audiendi & legendi studio, bo-
 na omnia adeptum esse diuina in humana uita exi-
 stimo. Tu Sebastiane Rex maxime gaude tuo
 isto immortali bono, fruere, communica cum
 tuis, ut eos etiam felicitate tua efficias felices.
 Nam ita est natura comparatum, ut omnes in Re-
 gis, & Principis uitā tanquam in speculum intue-
 mur: in eius uitae institutum oculos conijciamus,
 & ad illius similitudinem actiones nostras, & ra-
 tionem uiuendi singamus, & formemus. Rex si
 sit ad arma propensus; studium armorum ample-
 etuntur omnes, & in eo uigilant, laborant, con-
 tendunt, excellere enituntur, in quo regem ani-
 matum esse animaduerrunt. Idem si litteras a-
 met, litterarum sequuntur omnes exercitatio-
 nem, & ad uirtutem comparandam sese compo-
 nunt. Illud maiores tui reges superiores Lusita-
 niae aperte docuerunt re ipsa: hoc auus tuus Ioan-
 hes tertius immortalitate dignissimus annis elat-
 apsis non obscure ostendit erecto locis pluribus,
 magnis impensis, litterarum gymnasio, conuoca-
 tis, magnis suis sumptibus, doctoribus cuiusq; fa-
 mūnib; D
 cultatis

cultatis insignioribus. Armorum studium & si-
 Lusitanae genti cum multis alijs nationib. erat
 commune, cesserunt tamen Lusitanis Ducibus
 magni quondam Imperatores, ut illae scriptis
 celebratae laudes indicāt, ut illa arma quae sum-
 mum ferocissimis nationibus terrorem metum-
 que incusserunt declarant, ut clara & exornata
 trophya illustrium uictoriarum insignia, ut fixa
 in disiunctissimis terrarū oris monumenta praed-
 dicant, ut pleraque regna multis saeculis ne de
 nomine nota nostra tempestate tuorum maiorū
 diligentia, & tua ita classibus patent, ut ea loca
 ad quae facilis, & quotidiana est transmissio. Lit-
 terarum laudem & doctrinae sibi aliae nationes
 vindicabant, uix ut nationes exteræ fieri posse
 putarent, ut Lusitanus homo clarus in genere
 aliquo doctrinae euaderet, nec illi posse contingen-
 gere ut Romanam ciuitatem furari, aut in tabu-
 las irrepere unquā politioris litteraturae existi-
 marent. Sed tantum potuit singularis aui tui li-
 beralitas, & benificentia, ut breui tempore tan-
 tam lucem maxima Lusitano nomini doctrina af-
 ferret, ut qua re dudum omnibus gentibus ali-
 qua humanitate expolitis inferiores tui credebā-
 tur, ea nunc facile ceteris antecellant. Cogita-
 aut
 B enim

enim Rex potentissime, quo animo ille illud Sapientiae domicilium erexerit Conimbricae, quāta auxerit diligentia, quanta benignitate adorna rit, quanta sollicitudine semper quae ad illud attingebant, peregerit, quam insolita non humanitate modo, sed benevolentia complexus sit, quā liberaliter conuocarit, exceperit, aluerit doctores in quoquis scientiae genere praestantes ad iuuentutem erudiendam Lusitanam. Iam reperies illud Regem optimum uoluisse, ut quoniā a Rege petimus omnes uiuendi rationem, & id se qui mur, in quod principem uidemus inclinare, ut imbiberent litteras omnes quas ipse tantopere amaret. Id quo facilius posset obtainere, omnia sibi esse facienda, omnes adhibendas machinas, nihil intemperatum relinquendum esse iudicauit: ut ex uirtute penderemus qui Regis laudabilem **conatum** imitaremur. Quod si fuit ullum tempus cum Lusitani homines rationes, & cogitationes omnes suas in studijs doctrinae constituerunt, tunc profecto esse coepit, cum auus tuus hoc regni ornamentum tanto ardore est amplexus ut pluribus in locis ditionis suae sedem sapientiae, & doctrinae de suo erigeret, & quodam modo consecraret. Quo nomine merito laudandus

dus est, & ad omnē posteritatem litteris, & scriptis commēdandus; & quod optime regnis suis consuluit, & quod optimo consilio litteratos proseq; uiros adsciuit uoluntatis suae ministros. Sed ille Lusitaniam seminarium uirtutis, & doctrinae uoluit esse, & ut excoleretur curauit. Felicibus genti nostrae auspicijs diuinitus in regnū successisti, Rex potentissime, cui hoc curae topere est, ut nihil aliud uideatur esse (quae multa sane sunt) quod cures. Nec solum pateris ut in te tui oculoſ conijciant, te intueantur, te imitentur: sed exemplo praeis, & te ut sequantur inuitas, cum doctrinae studia tanta contentionē pertractes, ut qui uacuus curis omnibus & negotijs omnem aetatem litteris transmittit. Itaque ille fementem fecit, collegis tu uberrimos fructus: Illum desertae multis annis litterae vindicem ab obliuione habuerunt, te patronum & auctorem nunc sunt sortitae diuq; habebunt, ut emergat uirtus, honestum reuocetur, florent boni mores, Sapientia in tuo imperio teneat imperium. Nec solum tu praeclaram consuetudinem ab Auo traditam tenes, sed amplificas, illustrioremque reddis. Ex quo patet felicem esse Lusitaniarum gentem, te Rege, qui non

B 2 modo

modo sapientiae studeas ipse , sed ut alij studeat hortaris . Non solum ut ames , & foveas doctrinam : sed colas , & exornes , his gradibus ascendentes ad immortalitatem peruerent ij Princes , qui & si multis saeculis iam sint extinti , uiuunt tamen in laude , eorumque fama una cum aeternitate propagatur . Quorum tu quia facta imitaris non est dubitandum , quin florentibus nominibus florentissimum inferas tuum , ut ne in omni temporum diuturnitate exarescat . Magis uirtute Rex , laudibus eximie cui maiorumq; tuorum imitor , nae tu praeclare iudicasti laude non esse in imperio nisi cum is qui imperat , eo sit dignus . Nam , ut ait ille , Reges uirtus , non diadema facit . Hinc reges uocamus lumina , & ornamenta regni , non quod praeluceant purpura , sceptrro , & corona eniteant ; splendescant ve ornata regio : Sed quod uirtus ipsorum , aliorum uitam illustrat , ad optimam rationem uiuendi allicit , mores bene constitutos conseruat , labentes confirmat , afflitos excitat , iacentes extollit , ipsis magnitudini imperij decorisit , & ornamen- to . Haec res impulit diuinum Platonem ut bene informatum illum suae reip . Regem omni cohorte uirtutum , omni illustrem ornamento in media

media urbe uellet domicilium habere ; ut ex ae quo omnes illa uirtute frui , illa luce illustrari possent . Quod & si regibus superioribus maioribus tuis non defuit , tibi certe ut cum maxime suppetit , & in quo quis genere laudis nemine ipsorum sis inferior , & in colenda doctrina omnes longo interuallo superatos relinquas . Auxerunt illi imperium , & potentiam amplificarunt bellica uirtute , nauigandi gloria , incredibilique peruestigatione ultimarum terrarum ab Oceano Atlantico ad extima totius Africæ litora , Indum , Gangē , Tapobranen ; ad longe dissitos Iaponios peruerent , regni opes supra modum extulerunt , auri , argenti , gemmarum , aromatum copiā exaggerarunt , locupletarunt multos fortunis : Sed tu his non omissis , eisdem rebus non eadem aetate pares , & aequalis atque tua praeclara uirtute nouam aliam laudem qua eorum plerique caruerunt peperisti , ut uix ullum reliqueris tuis posteris amplificandi locum . Illi propugnarunt Lusitani imperij fines : tu defensos non dimittens propugnandi curam aequitate , sapientia , religione munis , atque exornas . Illi potentiae suae auxilia : tu et tuo & tuorum animis amplissima ornamenta comparas . Tu uariarum cognitione

gnitione rerum tuum pectus, & tuorum mentes,
 & pietatis copijs: illi suos pecunia ditarunt. Fa-
 cis tu ut multi in tuum regnum sapientiae pul-
 chritudine allecti confluant; illi fecerunt ut ex
 solo, sedibusq; patrijs ciues in ultimas terras cō-
 migrarent. Illi eo genere laudis floruerūt, quod
 uelimus, nolimus cum multis exterarum gentiū
 imperatoribus aliqua ex parte communicandū
 est: tu ea gloria, quae est propria felicissimi pri-
 cipis enitescīs. Illorum laudes celebrabūt qui-
 dem, sed ita ut quos imitarentur eos habuisse fa-
 teamur, tuae in eodem genere aut pares, com-
 mendabuntur, aut praestantiores in hoc gene-
 re, quod instituisti tu solus eris antesignanus, &
 dux; te ceteri imitabuntur, ut iam sine timore ci-
 ues tui in te possint oculos coniūcere, te intueri,
 a te uiuendi leges deducere. Aequum enim cer-
 te erat, ut Lusitanus Rex qui dat fruges ad uitā,
 daret etiam leges ad uitā. Sic enim memoriae est
 proditum Ceterem Siciliae Deam incolis illius
 insulae, & segetum comparandarum rationem
 monstrasse, & sanciuisse leges, & placita, quib.
 ad humanitatē eorum animi informarentur. Tu
 tuis ciuibus cum tam large de tuo tribuas, ut ui-
 uant: impartiaris necesse est eam formam uitae,

quam

quam duce tē sequantur: Vt ea laus quae Athē-
 nensium quondam uel illius Deae propria esse
 uidebatur, tibi merito atque optimo iure tota de-
 feratur. Quis enim est qui ignoret Lusitaniae Re-
 gem ita suos alere, ita sustentare opibus, fulcire
 copijs, ditare de suo, ut pater omnium non Rex
 modo esse existimet? Solent alij uectigalia im-
 ponere, portoria in res omnes decernere, qua-
 cunque uia, & ratione pecuniam erogare, ut ci-
 ues exhaustant: Tu quibus rationibus illis suc-
 curras, eorum inopiam subleues, sustentes ui-
 tam, cogitare, & efficere non desistis. Vt tua be-
 nificantia prope diuina in plures extendatur sa-
 ne quam lux illa solis communis omnibus uim
 suam & splendorem elargiatur. Hinc omnibus
 es carus, & amandus, non modo tuis, sed ijs etiā,
 qui te nunquam widerunt; neque est qui existi-
 mationem uiriboni conseruet, qui tibi iure tuo
 non gratificetur, ut possit. Ego uero Rex po-
 tentissime, cum in mea & pueritia & prima ado-
 lescentia in illa tua bonarum artium officina Co-
 nimbricensi fingerer, & formarer ad politiores
 litteras, iam tunc sane animo quantum tibi om-
 nes tui deberemus, uidebam, quibus tamen uel
 rebus, uel oratione patefacerem non inueniebā.

Veni

Veni in Italiam decimo fere ab hinc anno; Varijs in locis coepta studia mea refinxi, cum uiris doctissimis, quorum semper illa fuit altrix optima. Illud mecum statu non fore meum conatum inutilem ciuibus meis, si quae multorum annorum spatio sapietissimis hominū doctrina praestantium colloquijs, consilijs, studio deniq; meo comprehendissem animo, ea aliquo modo cum alijs communicarem. Induxi animum ad negotium poeticum, quod & res mihi praecilla uisa est in qua conatum meum ponerem, & ex qua mirabiles fructus & uoluptatem omnes perciperent. Rem sum animo complexus maiore quam uires ingenij mei ferre queant: Sed tamen laudabilem, ut si non assequar, quia tamen optima concupierim, nemo me debeat reprehendere. Nam, ut ait ille, Quod si deficiant uires, audacia certe Laus erit, in magnis, est uoluisse satis. Volui a primis quasi initijs rem totam exordiri. Cōposui primum libellum de componendi carminis ratione non inutilem iuuentuti, ut spero. Eum tuo nomini merito tuo dicarem, si dignum maiestate tua putassem: Sed nechanc meam de Epigrammate commentationem dignam iudicabam, quae in tuo nomine daretur in uulgis,

tamen
in V

tamen gratificandi Regi meo uoluntas non patiebatur tantum silentium, dum maiora animo commētor, tibi nec ingrata, nec indigna ut arbitror futura, mittere ad te hunc exiguum libellum decreui testem obseruantiae in te meae, indicem uoluntatis, animi grati leue, sed contestatum munuscum. Tu Rex potētissime, quo animo maiora accipis, eodem hanc grati hominis significationem excipito. Nam tibi si grata esse studia haec intellexero, efficiam profecto ut uoluntati, & desiderio tuo quoad uires meae patientur, satisfaciam. Texam indies maiora, & meliora, ut mihi non uoluntatem satisfaciendi, & gratificandi tui, sed facultatem defuisse omnes intelligat: nec mihi in officio animum, sed in contentione, ingenium impedimento fuisse. Commentor de ceteris generibus carminum rationem, de artificio cuiusvis formae, & arte non pauca, propediē expediam, quae ubi absoluo, ad maiora, & tuis auribus digna conferre me, delibero: & ut ciuibus meis dem significationem hominis non ingrati, qui quae multorum annorum studio sum assecutus, illis deferā, & tuis Rex potētissime conatibus accōmodasse ingenii uidear, haec sum aggressus. Tu interea (quae tua est humanitas)

C hunc

hunc supplicem libellum, quo soles uultu, excipi-
es, & qui alijs comitatis tuae fontes patefacis, mi-
hi ne sint clausi curabis. Tum ego Deum opt.
max. orabo, sospitet te & fortunet Rex optimus,
nobisque istam benificentiam, comitatē, aequi-
tatem, iustitiam, sanctimoniam, magnanimita-
tem diu, & multum seruet incolumem. Vale.

Roma Kal. Maij. CIC. I. LXIX.

P R A E F A T I O
IN LIBELLVM DE TOTO
EO POEMATIS GENERE,
QVOD EPIGRAMMA
vulgò dicitur,
ET DE IIS, QVÆ AD ILLVD
PERTINENT.



VM multa sint poetæ opera
pulchra, admirabilia, diuina,
tum nihil quod aut concinna
breuitate, aut breui acumine di-
centis, aut arte ipsa magis in-
timos animi sensus afficiat, ac
pene capiat, quam illud poe-
matis genus, quod Epigramma vocamus. Nam illud
si uenustum, aptum connexumq; sit, teres, &
rotundum, ut inter se ita partes cohaereant, &
congruant, ut distinete, breuiter, acute, & ornate sen-
tentia exprimatur, & admirationem mouet, & uo-
luptatem affert, non uulgarem. Multa arte opus est;
sale, ingenij acumine, breuitate decora, dexteritate
quadam, & iudicio; quod si quis ita componat epi-
gramma, ut laudem eius generis, & gloriam conse-
C 2 quatur

quatur, eum non leuem rem praeflitisse iudicandum est: si proxime accesserit, non minimi ducendus est eius labor, quia ad pulchra, & laude digna contenterit, & meo excellere uoluerit, quod pauci perfecte sunt consecuti. Ut in pictura multos reperiemus maioribus in operibus non contemnendos: nonnullos perfectos: in minoribus uero picturae formis suo colore, & decoro effingendis, paucos affabre muneris sui eam partem absoluere uideamus. In magna pictura etiam si quaedam sint minus uenusta, nec locis apta, nec umbbris distincta, multa tamen & colorum uarietate capiunt, & distinctione membrorum, & uestium cultu, & nerorum eminentia, statu, & situ intuentium oculos, & animos afficiunt. In exiguis formis quoniam omnia uno intuitu sunt spectanda, uno oculorum iudicio eodem tempore ad annum referenda si quo in loco peccatum sit, aut a decoro discessum, facile animaduertimus, & uel exiguo uitio totam picturam eo genere improbamus. Idem accidit in epigrammate. Nam in opere longo (boni praesertim poetae) multa esse est necesse, quae uoluptate afficiunt, & nonnullarum rerum aut leuium, aut minus cohaerentium accessionem compensent. In epigrammate uno eodemque tempore omnia quae dicuntur in animum influunt, aut sententia brevibus inclusa numeris simulac lecta est influit in sensus

fusimmos, mouet, capit, excitat, expectationem explet: aut explosa ejicitur, & repudiatur. Quoduis poeticae genus est admirabile, si artificiose exprimat, quaevis forma poeseos laude digna: Sed in epigrammate breuitas delectat, acumen excitat, concinnitas capit, haeret sententia, lepori uoluptate incredibili annum perfundit. Ut nihil sit iucundius, nihil dulcius, nihil laudabilius apto, acuto, brevi, distincto, suis numeris absoluto epigrammate. Amamus omnes breuitatem, res uero urbane, & false prolatas excipimus aliter, & prompto animo: ubi uero quid a communi uso pronuntiatum, nouum, & inusitatum, admiratione dignum, siue novo modo prolatum, aut legitimus, aut audimus, capimus uoluptatem uel maximam, & memoria sepiente sententiam, uerba, & numeros repetentes, gestimus gaudio, & laetitia singulari afficiunt. Fuerunt in presio apud ueteres qui nullum non exprefserunt poeticae genus: Epigrammatum scriptores alijs alio tempore floruerunt non sine laude, & ingenij admiratione. Sed hominibus nostris alijs siue studijs, siue negotijs, curis que distentis, si otium aduersus suppetit, hoc potissimum uideo poeseos genus arridere, huinsmodi probare omnes poeticas scriptiones. Nam & sermone Latino, & patro-bretia illa poemata amplectuntur, in quae coniugant acutas sententias ad laudem,

Laudem, uituperationem, irrisiōnem, cauillationem, cri-
minationem, & ad quaevis alia in quo cunque genere
accommodata. Quod cum animaduerterem & de eo
poematis genere tam bene sentirem, ut si ita esset con-
secutus, id in meis rebus secundis numerarem, operae
preium me facturum existimauī, si quae uel ueterum
lectione, uel studio meo potui colligere, quaeque in rem
praesentem conuenire iudicauero, ea hic exprimam pau-
cis, ut discentium utilitati consulam. Ut enim est p̄ae-
clarum acutum, lepidum, & concinnum epigramma
componere: ita ea tenere, quibus ad eam laudem per-
ueniatur, magnificum. Nec enim vulgaris & quotidianā
consequentis ingenij est, perfectum undique, et
elaboratum artificio suo, & momento epigramma con-
cludere. Non est in eo posita illius ratio & uis, ut sen-
tentiam numeris astringas, uocum copiam compares,
epithetorum quasi quandam instruxeris supellecūlem,
materiam ordine quodam distinxeris, ut magna grau-
ter, submissa humiliter, mediocria temperate descri-
bas. Maiora sum, quae requiruntur, nec ex grammaticorum
officina petenda: sed ex abditis poeticae p̄ae-
ceptis baurienda, feligendaque iudicio quodam, & ar-
te. Nec enim consilium illius, qui hoc in genere excellere
elaborat id spectare debet, quod toti arti est com-
mune, ut in poemate uoluptatem utilitati admisceat,
nec

nec minus obligeat lectorem, quam instruat: demon-
strat in uitij sūmmam inesse turpitudinem, prope diu-
nam gloriam in uirtutibus: una denique, eademq; ope-
ra & sensus animi leniter afficiat, & mores cohone-
stet. Sed ut breuiter, acute, urbane, cum admiratione
afficiat, nihil ut animus requirat legentis. Ut qui le-
git, cum uoluptate legat; ac iudicet non esse omnia leui-
ter aestimantis, haec p̄aestare. Sedeius qui ingenio
ualeat, polleat acumine, sit instructus arte, iudicium
adhibeat, naturam rei expendat. Non tamen est satis
hanc ad laudem consequendam ubertas illa ingenij a
natura donata, non breuium productarumque sylla-
barum ratio, non dimensio numerorum, non canorus
uocū sonus sufficiunt. Quominus est mirandum si cū
eeteris informis, & partibus poetices tot principes ex-
isterint, in hoc genere ut excellerent, paucissimis conti-
gerit. Quod uel existimatione falsa ingenij accidisse
plurimis, qui eam rem tractauerunt, putandum est:
uel inscitia, et artificij ignorantia, uel incuria quadam
est iudicandum. Illud tamen affirmare audebo, nullum
esse poematis genus utilius, & ad perfectam poeseos ab-
solutionem comparandam accommodatus, quam hoc
de quo loquimur. est enim haec exercitatio & ad in-
genium acuendum idonea, & ad acumen exprimendū
apta, & ad informandum animum pulcherrima supel-
lectili lauta, & absoluēdam perfectam poetæ & omni
laude

laude dignam scriptionem magnopere necessaria adiutoriam, silueſcentem abundantiam coercet, necessaria infert, amputat redundantia, nutrit concinnitatem & ſcribendi leporem. Ab hac & uenustas acquiritur, & aerborum optimorum, rerumque propriorum delectus cognoscitur, & eorum conſtructio habetur, nec licentia numerorum quidquam, quod non fit necessarium inferi conceditur. Hac ſententiarum concinnitas instruitur, & arguit, certi & circumscripti numeri, numerorumque ambitus de industria quaeruntur. Hac languor quasi quidam ſuo loco adhibitus laudem conſequitur, & industria, ac studio non ex infidijs ſtudetur ſcriptionis pulchritudini. In hac nihil niſi aue graue, aut elegans admittitur, quod & transferat animos, & moueat huic & illuc. Qui motus cogitationis argutia, uenustate, nouitate, conſtructione rerum, celeriter agitatus per ſe ipſe delectat. Ut igitur aetas haec noſtra quae cum alias poeticae partes amplectitur ſtudioſe, tum hanc affiduo uſu, exercitationeque excolit, laudem eius generis ſibi poſſit merito comparare, epigrammatiſ uſum, naturam, artificium, genera, ſinem, uirtutes denique omnes, quae, & quales ſint aperire, non erit inutile: deq; toto genere breuiter diſſerere, ab re non erit. Quod ut efficere poſſimus, re ab initio cōpletemur, et quae uilia ſudicauerimus, ſeligemus.

Caput

De notatione etymologiaque nominis
caput primum.

MAgna uis inest plerunque in nomine ad aperiendam rei naturam, atque ideo uiri sapientes inde iubent exordiri, quo commodius de tota re agatur. Epigramma ueteribus cuiuslibet rei inscriptio, ſive de aliquo testificatio appellatur: ſeu dictum, ſententia, iudicium honoris, de decoris & causa prolatum, in quo aliquid inſit reprehensione, laude, commendatione, memoria dignum. Ac etſi quamcunque ſcriptionem nomen indicet (unde etiam Lemma epigramma dicitur) tamen loquendi conſuetudine, poetarumque uſu proprium nomen effectum eſt, eius generis poematis, quod laudem uel uituperationem contineat: ſive utriusque rationem breuitate, & concinnitate perfectum. Hinc quid epigramma ſit facile intelligemus.

Quid ſit epigramma caput secundum.

COgnita nominis notatione, epigrammatiſ definitio enucleanda eſt: quod ex eo patebit, unde nomen rei fuit inditum. Epigramma enim nihil eſt aliud quam breue poema cum ſimplici rei cuiuspiam indica- tione uel personae, uel facti, ſeu eſt contestatio deduc-

Dcta

De conficiendis Epigram.

cta ex propositis in commendationem rei alicuius, seu detestationem. quae descriptio diuisionem simul indicat epigrammatis, dum aut indicationē simplicem rei, aut compositam ex propositis deductam dicimus esse. simplex rei indicatio est illa Virgili in iij. Aeneidos, ubi illa proloquitur

Aere cauo lypeum magni gestamen Abantis
Postibus aduersis figo, et) rem carmine signo.

Subiungit indicationem.

Aeneas haec de Danais uictoribus arma.

De simplici epigrammate, & composito
caput tertium.

SVnt quaedam epigrammata simplicia; quaedam vero composita, quae ex propositis ad aliud quidpiam quod uel sit maius, uel minus, uel par, uel contrarium referuntur. Simplex est epigramma, in quo unam tantum rem exprimit poeta. Ut facit Catullus in Lesbiam, a qua ait se amari.

Lesbia mi dicit semper male, nec tacet unquam

De me dispeream me nisi Lesbia amat.

Quo signo? quasi eadem totidem mox deprecor. illi
Affidue, uerum dispeream nisi amo.

Exemplum compositi, in quo aliud deducitur ex propositis,

positis, quod sit maius, illud Catulli in Lesbiam quo loco sibi met gratulatur quod in gratiam iterum cum ea redierit, amoremque eius conciliarit, quod cum minus id sperauerit, insperanti tamen ex animi sententia res contigerit.

Si quidquam cupidoque, optantique obtigit unquam,

Insperanti hoc est gratum animo proprie.

Quare hoc est gratum, nobis, hoc carius auro,

Quod te restitus Lesbia mi cupido.

Restitus cupido, atque imperanti ipsa refers te:

O mihi cara magis candidiore nota.

Quis me uno uiuit felicior, aut magis mi effe.

Optandum in uita dicere quid poterit?

Non nonquā deducitur aliquid quod sit minus.
efficit id Catullus dum Quintiā laudat, & extollit; ita tamen ut longe esse inferiorem Lesbia uenustate, & lepore ingenuo dicat.

Quintia formosa est multis, mihi candida, longa,

Recta est, haec ego singula confiteor.

Totum illud formosa nego: Nam nulla uenustas,

Nulla in tam magno est corpore mica salis.

Lesbia formosa est, quae cum pulcherrima tota est,

Tum omnibus una omnes surripuit Veneres.

& illud eiusdem

Gallus habet fratres quorum est lepidissima coniux

Alterius lepidus filius, alterius
 Gallus homo est bellus, nam dulces iungit amores,
 Cum pucro ut bello bella puella cubet.
 Gallus homo est stultus, neque se uidet esse maritum
 Qui patruus patrui monstret adulterium.
 Sed nunc id doleo quod purae impura puellae
 Suavia coniunxit spurca saliuia tua.
 Verum id non impune feres, nam te omnia saecla
 Nolcent, & qui sis fama loquetur anus.
 Interdū sequitur par ex propositis, ut Catullus.
 Quinti si tibi quis oculos debere Catullum,
 Aut aliud siquid carius est oculis,
 Eripere ei noli multo quod carius illi
 Est oculis, siquid carius est oculis.
 et illud etiam apud eundem
 Nulla potest mulier tantum se dicere amatam
 Vere, quantum a me Lesbia amata mea est.
 Nulla fides ullo fuit unquam foedere tanto,
 Quanta in amore suo ex parte reperta mea est.
 Plerunque sequitur contrarium, siue ex contra-
 rijs & repugnantibus rebus epigramma contexi-
 tur lepidissimum. Vt Catullus.
 Lesbias est pulcher, quid ni quem Lesbia malit
 Quam te cum tota gente Catulle tua.
 Sed tamen hic pulcher, uendat cum gente Catullum

Si tria

Si tria amatorum suavia reppererit.
 Odi et amo, quare id faciam fortasse requiris? idem
 Nescio, sed fieri sentio, & excrucior.
 Nulli se dicit mulier mea nubere malle, idem
 Quam mihi, non si se Juppiter ipse petat.
 Dicit, se mulier cupido quod dicit amanti,
 In uento & rapida scribere oportet aqua.
 Sumuntur etiā a similitudine, siue dissimilitudine qui-
 bus uenustissime condiuntur. quorum exempla possem
 ex ueteribus adducere. Sed ne multus sim in re clara,
 ad alia conuertam orationem.
 Quot sint ad epigramma genera uersuum,
 & quae caput quartum.

NUllum est uersuum genus quo epigramma non co-
 stet, quo sit ut forma haec pateat latissime, eius-
 que ratio uaria sit, & multiplex. Nam epopeia certum
 habet genus carminis, definitum elegia, proprium, &
 suum comaedia, & tragaedia, designatum, & mixtu-
 quodam lyrica, nec enim omnia recipiunt; epigramma,
 quovis genere uenustissime componitur. Nec solum o-
 ratio certis numeris astricta epigramma dicitur, sed
 inscriptiones monumentorum etiam oratione soluta scri-
 ptæ, epigrammata uocari consueuerunt. Vt M. Tul-
 lius

lius in epistolis ad Atticum libro undecimo inscriptio-
nes monumentorum epigrammata vocat, uersuum au-
tem generibus omnibus componi, cōtinerique epigram-
ma usus veterum declarat. Nam in lusibus diuersi ge-
neris esse uidemus, quae tamen epigramma vocantur :
idem apud Catullum. In libro autem epigrammatum
graecorum etiam uersibus Heroicis epigrammata con-
tinentur. Nec tam ad numerum spectarunt antiqui ho-
rum poematum auctores & principes, quam ad rem,
quam sunt eo poematio complexi. quod ex M. Tullij
in oratione pro Archia poeta aperte colligitur : & ex
quinta Tusculana quaestione multo clarius, ubi de Ar-
chimede Syracusano loquitur hoc modo. Ex eadem ur-
be humilem homunculum a puluere, & radio excita-
bo, qui multis annis post fuit Archimedem ; cuius ego
Quaestor ignoratum ab Syracusanis, cumesse omnino
negarent, septum undique, & uestitum uepribus, &
dumetis indagavi sepulcrum ; tenebam memoria quo-
dam senariolos, quos in eius monumēto esse inscriptos
acceperam : qui declarabant in summo sepulcro sphæ-
ram esse positam cum cylindro : ego autem cum omnia
collustrarem oculis (est enim ad portas Agragianas
magna frequentia sepulcrorū) animadueri columnel-
lam non multum e dumis eminentem, in qua inerat
Sphaerae figura, & cylindri, atque ego statim Syracu-
fanis

sans (erant autem principes mecum) dixi me illud ip-
sum arbitrari esse, quod quaererem : immisī cum falei-
bus multi purgarunt, & aperuerunt locum, quo cum
patescētus esset aditus, ad aduersam basim accessimus.
apparebat epigramma ex eis posterioribus partibus. uer-
siculorum dimidiatis fere. Plerunque tamen uersuum
modi ad sententiam accommodantur ut Jambici, Hen-
decasyllabi, Hexametri, & ceteris suo adhibentur inter-
dum loco. Res modo filo suo, & decoro exprimatur,
uersuum usurpetur uel hoc uel illud genus, quod ma-
gis in rem conuenire, is qui componit iudicauerit.

De eius dictione caput quintum.

Dictio in epigrammate pura esse debet, lecta, since-
ra, elegans, quae rei dignitatem, quantum fieri
potest, augeat. Quae nihil hauriat de face : sed lauta
sit, & magnifica, munda, & culta. Tot uerbis, & ge-
neribus uerborum constet, tot speciebus, formis, figu-
ris, modis ; quot sunt in ea lingua, & sermonis ratio-
ne, in qua componis, genera uerborum, species, for-
mae, figurae, modi. Multa praeterea eius leges noua,
& facta admittunt, solaecismum interdum cum digni-
tate interponit, ut Martialis.

Non es uitiosus Zoile, sed uitium.

Non uitiosus homo es Zoile, sed ardent Barba-

Barbarismum non refugit . ut Catullus

Comoda dicebat , si quando commoda uellet

Dicere & hīs fidias Arrius insidias .

Distortam etiam dictionem non spernit , sed in-
serit uenuste , Vt Martialis .

Non es bonus sed optimus malorum .

Nam illa dīctio uitiosa , nouitas , & distorta copulatio
uocum ac barbara mouet risum , excitat admirationē ,
influitque in sensus . Totum itaque epigramma cultū ,
limatum , expolitum , teres , rotundum , affectuum ple-
num , molle , argutum , suave , placidum , decorum esse
debet ; quod animum capiat , & in sensus legentium in-
timos se ē infīuet : quod excitet , quod moueat eum ,
quem uelis affici , quo uolueris modo . Non ui impel-
lat , sed iucunditatē allicit . Non sit tyranno simile qui
mauult metui , quam amari . Sed attrahat ad se ē ,
inuitet , rapiat interdum , lectum iterum magis , ac
magis recreet . Non sit illis epulis simile que prius sa-
tiant , quam famem expleuerint : teque antequam gu-
stes , fastidio afficiunt . Non minaci quodam impetu ,
(modo auditorem inuitum , aut haerentem teneat ,
(ubi uult tenere abigat . Non abiiciat rem magis ,
quam extollat , corrodat , quam expoliat , & elimet .
Non ita exultet , ut nesciat suo loco consistere , haereat
animo , relinquat in auribus uestigium sui . Non atte-
rat :

rat : non effluat ; non labatur ; reperiatur saepius , &
eo magis probetur , quo magis legitur . Condiatur mul-
to sale , ornetur lepore suo , aceto non nunquam asperga-
tur , si res et tempus postularint . Relinquat ambages ,
tritas fabulas fugiat , nihil vulgare , nec plebeium ad-
mittat : omnia in epigrammate lucem , et nitorem quē
dam p̄rā se ferant . Verba sint propria , & rebus illu-
strandis apta : translata decore : adhibeantur accom-
modata , non grandia , nitida , expressa , rotunda , apte
facta , non popularia , non sordida , non obsoleta , non a-
spera , non mixta ex uarijs linguis , etiā si poetae Grae-
ca interdum interponant nec sine laude . Illud in pri-
mis curandum est diligenter , ne ullum in epigrammate
ponatur uerbum otiosum , ad exemplum uersum ma-
gis , quam ad rem significandam comparatum . Nam
et si uis insit magna in epithetis (quae apposita Latine
M. Tullius uocat) si modo sint uenuste adhibita ,
& tota ad rem referātur , uitiosa interdum sunt , quae
ad dimensionem quaeruntur magis , & numerum , quā
quae ad sensum faciunt diligentissime curandum est , ut
sint maxime propria , idonea uerba et nomina fixa ,
quae substantiua vulgus Grammaticorum uocat . Nā
bis duabus rebus numerosā conclusione adhibita perpla-
cet epigramma , & in sensus influit , totumq; negotium
in his inest , reliquæ dictiones ad ornamentū apponu-
tur .

tur. epitheta tamen sint selecta, & rebus ipsis apta.
Virg. li. 11. Epithetum distinguat ambigua, Ut Deus bellipotens,
Aen. Idem l. 1. Ae. aequor Tyrrhenum. Significet qualitatem aliquam,
Idem in Buc. ut collis apricus, mella fragrantia, dulcia, roscida; exi-
Idem lib. 4. guus mus. Augeat, ut iepulum immane, uiuida bello dux
Georg. Idem in Buc. tera: Aequet, ut lupus ululans, oves balantes. Acci-
Idem in li. 1. piantur a futuro euentu, ut miserrima Dido *infe-*
Georg. Idem l. 6. Ae. lix, quoniam non solum perditura erit pudicitiam, sed
Idem li. x. Ap. Et regnum *uitam. a spe felix Tolumnius, dixit*
Idem li. 1. Ge. Turnus quia ita sperabat. a causis, ut Dona cerealia,
Vulcania arma. Ab effectis, ut frigida mors, tristis se-
nectus, pax tranquilla. Ab adiunctis, ut cristatus
Achilles, & immritis. herbosum flumen. Per Hyper-
boleum, ut ferrea uox. Per Metaphoram, ut mobilis ri-
uus, uer purpureum. Per synedochen, ut Virg.
Poculaque inuentis Acheloia miscuit uuis.
Vuas pro uino. pocula Acheloia, pro Aqua
Acheloi fluuij, quae poculis continetur.
Acheloum pro quauis aqua. ita etiam
Pingu glandem mutauit aristā.
Per indignationem. Periurae Troiae. Per contem-
ptum, ut semiuiri Phryges. quaedam a patria, ut La-
ryssaeus Achilles. sunt quaedam usū facta propria, ut
Phoebus Apollo. Quaedam ex consuetudine contra-
ria significant, ut horrētia Martis arma. hoc est hor-
ribilia.

ribilia. penetrabile frigus, quod penetrat. Quaedam
ex quodam acumine *doctrina, ut Marpesia cautes.*
uinum Falernum, Massicum, caecubū. Quaedam sunt
necessaria, Ut pater conscriptus. Quaedam ponuntur
ob nitorem, ut tempestates que sonoras. Quaedam re-
bus apponuntur ob aliquod ipsarum munus, Ut Virg.
lib. 6. Aen. Diana Triuita, Luna menstrua, idem lib.
1. Geor. Quaedam a loco, ut Virg. lib. 4. Aen. Hircana
Tigris, & in Buc. Leo Paenus. Getulus. li. 5. Aen.
Quaedam ex genere, ut Virg. lib. 5. Aen. Achilles Peli-
des. Anchisiades Aeneas. lib. 6. Quaedam a simili-
tudine, ut Eburneum collum, Ouid. Metam. Quaedam
ob quantitatem, ut Virg. lib. 1. Georg. Longus coluber.
Quaedam ab his, quibus sacra, ut Phoebea laurus,
Palladia Oliua. Ouid. de Fastis. Quaedam a locis si-
bis sacrī, ut Venus Cytherea. Virg. lib. 1. Aen. Delius
Apollo, lib. 6. Aen. Quaedam a ui aliqua, ut graueolens
Auernus. Virg. lib. 6. Aen. Sit igitur illa cura eius qui
componit in inferendis epithetis, ut nullum superfluum
adhibeat, & ad explendos magis numeros quam ad il-
lustrandam sententiam aptum. Non enim apposita po-
nuntur ut rei membra, sed ut ornamenta. Perinde er-
go ac lux, & nitor quidam debent illustrare, & fulci-
re uersum, ut fimbriae in ueste pretiosa adhibitae, quae
pallam, togam, tunicam cohonestant, & exornant, nec

ad alium usum interseruntur. Ille in adhibendis appositis non errabit, qui ea addiderit, quae Virgilius, Lucretius, Tibullus, Catullus, Ovidius, Horatius adhibuit. Noua tamen apponi possunt, quae dignitatem habent, & idonea sint, & significantia.

De usu epigrammatis, caput sextum.

Prima inuentio, ususque epigrammati fuit in statuis, & signis, imaginibus, trophyis, & quibus cunque monumentis. Ut qui Herculi signum erigebat, illi inscriptionem addebat. Magno Alcidi, siue Herculi patri, siue Custodi Vrbis, siue Orbis dominori, & huiusmodi. Ut illud in Rufum Rhetorem. Rhetoris haec Rufi statua est, si saxe, Rufi Cur id ait? semper saxeus ipse fuit.

In trophyis Virg. lib. undecimo.

Mezenti ducis exuicias, tibi magne trophyum
Bellipotens, aptat rorantes sanguine cristas.
Telaque truncu uiri, & bis sex thoraca petitum
Perfusumque locis clypeumque ex aere sinistræ
Subligat atque ensem collo suspendit eburnum.

In monumentis Horatius. lib. 1. Ode quinta.

--me tabula sacer

Votiu paries indicat humida

Suspen-

Suspendisse potenti
Vestimenta maris Deo
Et illud Valerij Catulli dum dedicat nauiculam
Castori, & Polluci.
Phasellus ille, quem uidetis hospites,
Ait fuisse nauium celerrimum,
Nec ullius natantis impetum trabis,
Ne quiuissē praeterire, siue palmulis
Opus foret uolare, siue linteo.

Deinde post multa, subiungit.

Sed haec prius fuere, nunc recondita
Senet quiete, seque dedicat tibi
Gemelle Castor, & Gemelle Castoris.

Est autem tunc epigramma rei cuiuspiam inscriptio, quoties illi apponitur: quando uero in codicem refertur, tunc ipsa statua, siue monumentum est indicatio epigrammati; & quasi inscriptio: uel certe loco statuae, & monumenti, quasi quaedam subiicitur inscriptio & titulus. Verbi gratia, in Veneris statua illa indicatio.

Orta solo, suscepta solo, patre edita caelo

Aeneadum genetrix, hinc habita alma Venus.

Hic ueteribus epigrammatum usus, nostris & saeculis superioribus praeterquam quod in hanc sententiam adhibebantur, ut in statuā Jouis, in templum Dianaee, & ce-

& ceterā : brevia etiam poemata in laudem uituperationemque alicuius acute, & urbane conclusa epigramata uocarunt. atque ita usus obtinuit ut pleni libri de epigrammatis fuerint inscripti, in quibus uel facta cuiuspiam insignia, uel animi corporisque dotes, & uitia exprimerentur.

De forma & uerbi epigrammatis, & quid eius sit proprium, cap. septimum.

Forma epigrammatis quasi anima, & spiritus, est argutia : sine qua iacet, & languet. quae si subsit, etiam si alia requiras, probatur tamen, & oblectat animi sensus. Si uero epigramma Argutia caret, epigramma non est; ut res aliae quae suam formam per quam sunt id quod sunt, non habent. Nam nerui, siccus, & quasi sanguis epigrammatis subtilitas arguta, & acumen est. Propria uero illius uirtus est breuitas. Nec uero breuitatem definio certo uel numerorum, uel uersuum ordine, & multitudine. Nam & simplex uerus epigramma est, & e pluribus disthicus absolute, & inclusa sententia epigrammate continetur. Non tamen nimis longum probo, ne elegia sit uel promissum opus. & quoniam epigramma inscriptio quaedam est, non opus aliquod, illud optimum, quod breuissimum. in Disthicus

sthicis inesse eius uenustatem docet Phormio Graecus auctor, quo loco omne epigramma disthico uno ait includendum esse, alioqui iam definere esse epigramma, esse uero rapsodiam. Nobis autem & si alios qui uel intra sex disthica sententiam concluderunt, liceat imitari : danda est certe opera, ut breuitati studeamus, quo ad fieri possit, ueteres imitantes, ne qui illos sequimur, anteire uideamur. Ut in odis Graecos, & Horatium, in alijs auctorem lusum Catullum, Tibullum, aucto resque antiquos. Quod si breuitatem propriam Virtutem, epigrammatis esse dicimus, quo brevius illud fuerit seruato decoro, & argutia conditum, eo iucundius, gratius, concinnius erit indicandum. Argutia enim animum excitat, & capit : breuitate haeret memoria, & reficit : Itaque has duas Virtutes debet diligenter inspicere, & seruare, qui in componendo epigrammate vult excellere. Breuitatem scilicet, & argutiam, in quibus inest illius uis, & energia. Felix in argutijs Catullus, felicior Martialis, quamuis rebus alijs multo sit inferior, minus q; cultus, & limatus. Comparatur uero argutia, quoties conclusio est inexpectata, siue quoties expectationi est contraria, Ut illud in Lusibus de malo arbore, cui affixa fuerunt mali poetae carmina.

Quid frustra quereris colone mecum

Quod

Quod quondam bene fructuosa malus
Autumnis sterilis duobus astem?
Non me praeagrauat ut putas senectus,
Nec sum grandine uerberata dura,
Nec gemmas modo germine exeunte,
Seri frigoris ustulauit aura:
Nec uenti, pluviae ve, siccias ve,
Quod de se quererer malum dederunt.
Non sturnus mihi, graculus ve raptor,
Aut cornix anus, aut aquosus anser,
Aut coruus nocuit siticulosus:
Sed quod carmina pessimi poetae
Ramis sustineo laboriosi.

Et illud Martialis libro sexto in Coracinum epigrammate quinquagesimoquarto.

Quod semper casiaque, cinamoque
Et nido niger alitis superbae
Fragras plumba Nicerotiana
Rides nos Coracine nil olentes,
Malo, quam bene olere, nil olere.

De quibusdam uirtutibus epigrammatiſ,
caput octauum.

CVm in omni poemate, tum uel ut cum maxime in
epigrammate Venustas, suauitas, uehementia, et
energia

energia desiderantur. Venustas nunquam debet abesse, quae in prudentia quadam consistit, & dexteritate electionis, & collocationis. Suauitas allicit lectorum, uel inuitat ad legendum. Ea oritur ex ijs quae habent in se iucunditatem, & uim afficiendi sensum, animumque legentis: quae uis tanto est maior, quanto clarius exprimitur. Venustas est decor, & pulchritudo epigrammatiſ. Suauitas uero uenustatis pulchra, & delicata species, quae efficit, ut auide legas, nec te lectio fastidio afficiat. Venustati aduersatur deformitas, siue turpitudo, Suauitati asperitas. Aliquando Apostrophe uel ad se uel ad alios, ut apud Catullum & ad se & ad puellam.

Miser Catulle desinas inepitre,
Et quod uides perisse, perditum ducas.
Fulſere quondam candidi tibi soles,
Cum uentitabas quo puella ducebat,
Amata nobis quantum amabitur nulla.
Ibi illa multa tum iocosa fiebant
Quae tu uolebas, nec puella nolebat,
Fulſere ueri candidi tibi soles,
Nunc iam illa non uult, tu quoque impotens esio,
Nec quae fugit sectare, nec miser uiue,
Sed obstinata mente perfer, obdura.
Vale puella, iam Catullus obdurat.

Nec te requiret, nec rogabit inuitam.
 At tu dolebis, cum roga beris nulli.
 Scelest a te ne? quae tibi manet uita,
 Quis nunc te adibit? cui uideberis bella?
 Quem nunc amabis? cuius esse diceris?
 Quem basiabis? cui labella mordebis?
 Quoties item sunt quae paria paribus referuntur: quo
 ties filuis, montibus, arboribus, rebus inanimis damus
 sermonem, uel cum ijs loquimur. Ut in lusibus
 Quam puer legem fertur dixisse Priapus,
 Versibus hic infra scripta duobus erit.
 Quod meus hortus habet, sumas impune licebit,
 Si dederis nobis, quod tuus hortus habet.
 Catullus ad Sirmionem peninsulam
 Peninsularum Sirmio insularumque
 Ocelle, quascunque in liquentibus stagnis,
 Marique vasto fert uterque Neptunus,
 Quam te libenter, quam laetus inuiso,
 Vix mi ipse credens Thyniam, atque Bythinos
 Liquisse campos, uidere te in tuto:
 O quid solutis est beatius curis
 Cum mens onus reponit, ac peregrino
 Labore fessi, uenimus larem ad nostrum.
 Desiderato que acquiescimus lecto.
 Hoc est quod unus est, pro laboribus tantis.

Salue

Salue o uenusta Sirmio atque hero gaude.

Gaudete uos quoque Lydiae lacus, undae
 Ridete quidquid est domi cathinorum.Energia quasdam rerum quasi ad aspectum subiicit
 ideas, & species singulari quodam artificio, & ordine, ut exterriti, stupidi, furiosi, iracundi, malitiosi,
 denique rei quasi faciem depingit. Energia est in uer-
 bis, & rebus. in lusibus

Carminis incempti lusus lecture procaces

Conueniens Latio pone supercilium.

Non soror hoc habitat Phoebi, non Vesta facello,

Non quae de patrio uertice nata Dea est.

Sed ruber hortorum custos membrisor aequo,

Qui te etum nullis uestibus inguen habet.

Aut igitur tunicam parti praetende tegendae,

Aut quibus haec oculis aspicis, ista lege.

Est autem energia item aut in facto, aut in dicto, aut in animo. factum uoco quamlibet rem.
 ut Catullus ad Lesbiam:

Huc est mens deducta tua mea Lesbia culpa,

Atque ita se officio perdidit ipsa suo.

Vi iam nec bene uelle queam tibi si optima fias

Nec desistere amare omnia si facias.

&. O saeclum insipiens & in facetum.

& alio loco. Ouentum horribilem atque pestilentem.

F 2 Mar-

Martialis de Mutio Scaeula.

Dum peteret regem decepta satellite dextra.

Iniecit sacris se peritura focis.

Sed tam saeva pius miracula non tulit hostis,

Et raptum flammis iussit abire uirum.

Vrere quam potuit contemptu Mutius igne,

Hanc spectare manum Porsena non potuit.

Maior deceptae fama est, gloria dextrae,

Si non errasset fecerat illa minus.

Et illud.

O quantum est subitis casibus ingenuum.

Et illud ubi furtu mapparum Hermoginis exposuit.

Ad caenam Hermogenes mappa nō attulit unquam,

A caena semper rettulit Hermogenes.

In sententijs quibus rem cōcludimus magna energiae uis inest, & in modo describendi unamquamque rem, illius adiuncta, quas uulgas circumstantias uocat. Sed hic duo uitia sunt diligenter praecauenda. Primū ne turgeat oratio manisonitu uerborū: ne ve torqueatur extra decorum. Secundum ne dictio languescat sine spiritu, & neruis abiecta, aut humili conclusione aut rei totius expositione.

Quibus

Quibus in generibus eloquentiae ueretur epigramma, caput nonum.

Est oratori finitus poeta, ut docet locis pluribus Marcus Tullius: uersantur pene in eisdem spatijs, eisdem orationis luminibus suscepit materiam exornant: & quae tractanda receperunt, eisdem in generibus eloquentiae expoliunt, quamvis ordine, & modo diuerso. Oratores sane dicuntur de omnibus rebus ornate copiose scienter posse dicere: hoc est bene: Poetae idem praestant numerosa oratione. Illi quamcunque quaestione ad tria genera eloquentiae accommodant: Hi etiam eisdem in generibus causarum uersantur exponendis rebus: licet sit diuersus utrique finis propositus. Nam in genere iudiciorum quo aliquē tuemur siue criminamur siue ab iniurijs uindicamus siue insimulamus uersatur, qui epigramata componit, & ut orator oratione id efficit, sic scriptor epigrammatum epigrammate praefat. Catull. in Asinium:

Marrucine Asini manu sinistra

Non bene uteris in ioco, atque uino,

Tollis linteum negligentiorum

Hoc falsum esse putas fugit te inepte,

Quamvis sordida res, & inuenusta est,

Non credis mibi, crede Pollioni

Fratri,

Fratri, qui tua furta, uel talento
 Mutari uelit, est enim leporum
 Disertus puer, ac facetiarum.
 Quare aut hendecasyllabos trecentos
 Expecta, aut mihi linteum remitte,
 Quod me non mouet aestimatione,
 Verum est ~~unquicunq; ror~~ mei sodalis.
 Nam sudaria setaba ex Hiberis
 Misérunt mihi muneri Fabullus
 Et Veranius, haec amem necesse est.
 Ut Veraniolum meum, & Fabullum
 In genere deliberationis est illud Catulli ad
 Lesbiam.
 Vinamus mea Lesbia, atque amemus.
 Rumoresque senum seueriorum
 Omnes unius aestimemus assis.
 Soles occidere, & redire possunt,
 Nobis cum semel occiderit breuis lux
 Nox est perpetua una dormienda.
 Da mihi basia mille, deinde centum,
 Deinde mille altera, deinde secunda centum,
 Dein usque altera mille, deinde centum,
 Dein cum millia multa fecerimus,
 Conturbabimus illa, ne sciamus
 Aut ne quis malus inuidere possit,

Cum

Cum tantum sciat esse basiorum.
 Plurima sunt in hoc genere apud Catullum & apud
 Martialem, quae ne multis praeterimus consul-
 to. Tu uno exemplo esto contentus, cetera inde petas li-
 cet. Genus exornationis est amplissimum, quoniam
 in id ~~et~~ uirtutes omnes cadunt, ut commendes: ~~et~~ ui-
 tia omnia, ut uituperes; ~~et~~ quidquid laude uel uitupe-
 ratione dignum homines iudicant. Huc gratiarum a-
 etio, gratulatio, quaevis commendatio refertur, est
 namque forma haec copiosissima oratoribus ad dicen-
 dum, ~~et~~ poetis campus latissimus in quo euagari, &
 excurrere possint: quaecunque facta improbando, lau-
 dando, commendando, gratulando. Quocirca tenenda
 diligenter sunt ea, quae laudari, quaeque uituperari
 conueniat. Sepienda memoria pracepta, quibus id
 fiat, comprehendendum animo artificium eius formae,
 ut cum laude, in eo uerferis. Vide quemadmodum lau-
 dat Catullus M. Tullium
 Disertissime Romuli nepotum
 Quot sunt, quotque fuere Marce Tulli
 Quotque post alijs erunt in annis
 Gratias tibi maximas Catullus
 Agit, pessimus omnium poeta;
 Tanto pessimus omnium poeta,
 Quanto tu optimus omnium patronus.

Ut

Vt illud quo formositatē Roscij laudabat Quintus Catullus, quod est apud M. Tullium in primo de natura Deorum.

Conſtiteram ex orientem Auroram forte ſalutans

Cum ſubito alaeua Noſcī exoritur

Roscus exoritur

Pace mihi liceat caeleſtes dicere uertra

Mortalis uifus pulchrior eſſe Deo.

At Martialis eſt illud libro ſeptimo epigramma-
te uiigesimoquarto in malum poetam.

Dulcia cum tantum ſcribas epigrammata ſemper

Et ceruſſata candidiora cute.

Nulla mica ſalis, nec amari fellis in illis,

Gutta ſit, o demens uis tamen illa legi?

Nec cibus ipſe iuuat morſu fraudatus aceti,

Nec grata eſt facies cui gelasinus abeſt.

Infanti melimella dato, fatuas que marifcas,

Nam mihi quae nouit pungere, Chiasapit.

Sed ut ingenua eſt, & honesta laudandi conſuetudo,

ita illiberalis, & indigna bono poeta uituperandi (niſi

uitia accuſes). Hoc genere etiam continentur Epita-

phia, Elogia, Naenia, Treni, Monodia, Epicedia, de

quibus paucis, ubi de epigrammate egerimus.

De con-

De conclusione epigrammatiſ, caput
decimum.

Hoc poematiſ genus eſi totum illuſtre, elaboratuſ
industria, perfectum ingenio, ſtudio abſolutum
eſſe debet: exitus tamen, & conclusio arguta, &
admirabilis expeſtatur, quae nouitate, concinnitate, ar-
gutia, pondere, ſale excitet legentium mentes, & oble-
ctet. Nam quoniam ibi aures, animusque conui-
ſcit, qualis illa eſt, tale totum iudicatur epigramma.
Quod eſi ſit frigidum totum, & leue, conclusione ta-
men acuta, & graui haeret animo. Hoc fit ſententia,
& diſtione, cum ſtructura uerborum grauiſ eſt: nu-
merus aptus: membra, diſtio, diſtioniſque ſyllabae;
& tempora. Saepe etiam interrogatione; iuuant, &
curta membra, ut uerſus punctim, non caſim feriat,
ut ait M. Tullius. Interdum enim accidit, ut longiori
bus membrorum interuallis, & ſenſuum langeſcat or-
atio. Danda ergo accurate opera, ut elaborata ſit co-
clusio. Martialis cum exprimeret dolorem quem Portia
uxor Brutii ex interitu coniugis cepiſſet, ita ut ſibi
mortem conſiſcere non dubitarit, cui cum eſſet remo-
tuſ ferrum, illa ſibi ardentes prunas intra os coniecit,
quibus aduifa anima efflauit, argute adiunxit in fine
In nunc, & ferrum turba moleſta nega.

G Eodem

Eodem modo cum exposuisset porcellos natos esse ex uulnere matris hasta casu coniecta, cuius ictu & sus mater occubuit, & ea plaga exiere porcelli, adiungit.

O quantum est subitis casibus ingenium.

Sint ne aliqua genera epigrammatis,
caput undecimum.

Quod si quaeras an sint genera aliquot epigrammatis, iudicandum hoc certe erit, ex rerum natura de quibus illud componitur. Tot enim epigrammatum sunt genera, quot et rerum, de quibus texitur, sed ut discentium minuamus laborem, fructumque aliquem, & utilitatem studiosis afferamus, tollendus est huiusmodi infinitus ambitus, genera usū frequentiora colligenda sunt. Nam etsi de rebus certis, & definitis, de quibus componantur epigrammata nihil possit praefiniri, assignari tamen quaedam rerum genera usū frequentiora possunt, ut facilius, quo intendimus, cum laude perueniamus. Sunt enim usurpata quaedam, & tria magis in quibus etiam nostris magnus est usus: quoniam non possunt, ut dixi, certa genera definiri, quia materiae maxima est diuersitas. quae numero circumscripsiō includi nō potest. Sunt igitur quaedam epigrammata mollia, tenera, uarijs diffusa affectibus, amoris,

amoris, & benevolentiae; quo in genere laus est maxima, & decorum languor quidam. exigit enim haec forma animi quasi quandam mollitatem, decore adhibitam. exigit uerba propria; atque hoc in illis ornatisimū, uerba etiam quae diminutina uulgas uocat, cuiusmodi multa apud Catullum, illud ad Juuentium

O qui flosculus es Iuuentiorum,
Non horum modo sed quot aut fuerunt
Aut posthac alijs erunt in annis:
Mallem delicias mibi dedisses

Quam isti cui nec seruus est, nec arca,
Quam sic te sineres ab isto amari
Qui non est homo bellus, inquies est.
Sed bello huic nec seruus est nec arca.
Hoc tu quam lubet abiice eleuaque,
Nec seruum tamen ille habet neque arcum.

Et illud ad Juuentium

Melitos oculos tuos Juuenti
Si quis me sinat usque basiare,
Usque ad millia basiem trecenta,
Nec unquam saturum inde cor futurum est.
Non si densor aridis aristis,
Sit nostra seges osculationis.

Multa similia de Veranio, & de Lesbia apud eundem poetam. In lusibus uero

De conficiendis Epigram.

Simpliciter tibi me quodcumque est dicere oportet
 Natura est quoniam semper aperta mihi.
 Paedicare uolo, tu uis decerpere poma,
 Quot peto si dederis, quod petis accipies.
 Alias sunt acria, uegeta, & uiuida, pleraque apud
 Martialem, sed nos nonnullorum generum quae magis
 sunt in usu demonstremus artificium. Unum est ge-
 nus in quo poetae est proposita foeditas, sed hanc com-
 ponendi rationem non modo a Rep. Platonis extermi-
 nandam, sed ut monstrum et portentum maximum in
 ultimas terras abiiciendam puto. Nec enim digni sunt
 poetae nomine huiusmodi foedi scriptores. castum, in-
 quit ille, decet esse poetam, piuum, nec lutulentas sues,
 & spurcos canes imitari conuenit. Quocirca de hoc
 genere ne uerbum faciemus.

De secundo genere epigrammati-
caput duodecimum.

Alterum est genus in quo sibi poeta proponit fel, & amarulentiam quasi quandam. sunt in hoc ge-
 nere frequentes obiurgationes, detrectationes, maledi-
 cta, uirus quasi quoddam diffusum. In hoc genere bono
 uiro uersari licet, dummodo sine opprobrijs, & contus
 melius illud exerceat. connicchia uero sint ciuilia, ad de-
 prauatam

prauatam uiuendi consuetudinem notandam, mores q; malos reprehendendos. Catullus in Furium
 Furi cui nec seruus est, nec arca, &c.
 Nec cimex, nec araneus, nec ignis.
 Verum est, & pater, & nouerca, & quorum
 Dentes uel silicem comedere possunt.
 Et pulchre tibi cum tuo parente,
 Et cum coniuge lignea parentis,
 Nec mirum. Bene nam ualetis omnes.
 Pulchre conquoquitis, nihil timetis,
 Non incendia, non graues ruinas,
 Non facta impia, non dolos ueneni,
 Non casus alios periculorum.
 At qui corpora sciciora cornu,
 Aut siquid magis aridum est habetis,
 Sole & frigore, & esuritione.
 Quare non tibi sit bene, atque beate?
 A te sudor abest, abest saliuia,
 Muccus que, & mala pituita nasi.

Et quae sequuntur.

Martialis ad Gelliam lib. quinto epigramma-
te trigesimo.

Si quando leporem mittis mihi Gellia dicas
 Formosus septem Marce diebus eris.
 Si non derides, si uerum lux mea, narras?

Edisti

*Edisti nunquam Gellia tu leporem.
Ad Gallum eodem libro epigrammate septua-
gesimoquarto.*

*Nunquam me reuocas, uenias cum saepe uocatus,
Ignoſco nullum ſi modo Galle uocas.*

*Inuitas alios, uitium eſt utriusque quod inquis?
Et mihi cor non eſt, nec tibi Galle pudor.*

Eodem libro epigrammate nonagesimoprimo
in Ligurinum.

*Occurrit tibi nemo quod libenter
Quod quacunque uenis fuga eſt & ingens
Circa te Ligurine ſolitudo.
Quid ſit ſcire cupis? nimis poeta es.
Hoc ualde uitium periculofum eſt:
Non Tigris catulis citata raptis,
Non Dipsas medio peruafa ſole,
Nec ſic Scorpious improbus timetur,
Nam tantos rogo quis ferat labores?
Et ſtanti legis, & legis ſedenti,
Currenti legis, & legis cacanti,
In Thermas fugio, ſonas ad aurem:
Pifcinam peto, non licet natare:
Ad caenam propero, tenes euntēm:
A caena uenio, fugas ſedentem:
Lassus dormio, ſuſcitas iacentem,*

Uis

*Uis quantum facias mali uidere,
Vir uetus, probus, innocens, timeris.*

De tertio epigrammatiſ genere, caput
decimum tertium.

Hic proxima eſt alia ratio componendi epigram-
ma, ſed illa re diſſert, quod quantum fieri potest
abſinet a maledictis, acumine tamen quaſi quodam
mordet. Totum uidetur comparatum ad excuſandum,
& accuſat, uidetur laudare, & uituperat. Genus eſt
acutum, mordax, dicax, in eo poeta argute carpit, &
faſe eludit eum, in quem componitur. Qui componit
nihil minus uidetur uelle, quam ut carpat, id tamen
acumine quodam praefat. Ut Martialis libro ſecundo
in Taurum epigrammate ſexagesimo ſexto.

Dummodo cauſidicū, dum te modo Rhetora fingis,
Et non decernis T aure quid eſſe uelis:
Peleos, & Priami tranſit, uel Nestoris aetas,
Et fuerat ſerum iam tibi definere.
Incipe tres, uno perierunt rhetores anno,
Siquid habes animi, ſiquid in arte uales.
Si ſchola damnatur, fora litibus omnia feruent,
Ipſe potest fieri Marsia cauſidicus.
Eia age rumpe moras, quo te expeſtabimus uſque?

Dum

Dum quid sis dubitas, iam potes esse nihil.
Eodem libro epigrammate sexagesimonoно
in Clasicum.

Inuitum caenare foris te Clasice dicas,
Sinon mentiris Clasice, differeam.
Ipse quoque ad caenam gaudebat Apicius ire,
Cum caenaret erat tristior ille domi.
Si tamen inuitus uadis, cur Clasice uadis?
Cogor aīs, uerum est, cogitur et Selius.
En rogat ad caenam melior te Clasice rectam,
Grandia uerba ubi sunt? si uir es, ecce nega.
Et illud in Velocem.
Scribere me quereris Velox epigramma longa,
Ipse nihil scribis, tu breuiora facis.

De quarto genere epigrammatiс, caput de-
cimum quartum.

Forma quarta est tota sale condita, et iucunda,
Urbanitate lepida, et uenusta. In hoc genere requi-
ritur salsus quidam, et urbanus lepor, qui sensus ani-
mi iucunditate quadam perfundat, risumque moueat,
non nimia dicacitate, nec mordacitate. Vitantur hic
contumeliosa uerba; absunt maledicta, et quae foede,
et sine decoro sunt; ad risum comparantur non ad
inferendam

inferendam iniuriam; sed ad iocum et ludum. Vi
Martialis libro tertio epigrammate uigesimo inqui-
rit, quid agat Canius, et tandem concludit illum nihil
aliud agere quam ridere.

Dic Musa quid agat Canius meus Rufus?
Vtrum ne chartis tradit ille vixtus,
Legenda temporum aeta Clauidianorum?
An quae Neroni salsus astruit scriptor?
An emulatur improbi iocos Phaedri?
Lascivus elegis an seuerus Herois?
An in cothurnis horridus Sophocleis?
An otiosus in schola poetarum?
Lepore imctos Attico sales narrat?
Hinc si recessit porticum terit templi,
An spatha carpit latus Argonautarum?
An delicatae sole rursus Europae,
Inter tepentes post meridiem buxos,
Sedet ambulante, liber acribus curis?
Titi ne thermis, an lauatur Agrippae?
An impudici balneo Tigillini?
An rure Tulli fruitur, atque Lucani?
An Pollionis dulce currit ad Quartum?
An aestuentes iam profectus ad Baias?
Piger Lucrino nauiculatur in stagno?
Vis scire quid agat Canius tuus? ridet.

Libro undecimo in Parthenopaeum epigramma
te octuagesimo septimo.

Leniat ut fauces medieus, quas aspera uexat.

Affidue tussis, Parthenopae tibi.

*Mella dari, nucleus que iubet, dulcesque placentas,
Et quidquid pueros non sinit esse truces.*

At tu non cessas totis tussire diebus,

Non est haec tussis Parthenopae, gula est.

De quinto genere epigrammatis, caput
decimum quintum.

Componuntur quaedam epigrammata quinto gene
re, ea ratione, ut sibimet instent, tota sint den-
sa, conferta, & multiplicia: quando ita singulis qui-
busque locis, & partibus res grauiter, & acute confe-
runtur, ut quisquis loco, & quauis parte sententia ter-
minari, concludique possit. Deducitur uero ut senten-
tia semper crescat. Hoc ingenij felicibus usu euenerit.
non quibusunque. Nam magno artificio opus est, sin-
gulari acuminis, & prudentia. Ego & si non uniu. uel
alterum qui omnes numeros in hoc generē compleat, re-
perio colligam certe aliquod apud Martialem, ex qui-
bus tu quid tibi in huiusmodi forma praestandum sit
intelligas. Martialis lib. 1. epigrammate 90. de Gellia.

H

Amissum

Amissum non flet cum salsa est Gellia patrem,

Cum quis adest iussae profiliunt lacrymae.

Non luget quisquis laudari Gellia querit,

Ille dolet uere qui sine teste dolet.

Eodem libro epigrammate centesimo undeci-
mo ad Olum.

Cana est barba tibi, nigra est coma, tingere barbam

Non potes, haec causa est, sed potes Ole comā.

Venustum illud centesimum quinquagesimum
quartum de Catella Publij.

Issa est passere nequior Catulli,

Issa est purior osculo columbae,

Issa est blandior omnibus puellis,

Issa est carior Indicis lapillis,

Issa est deliciae catella Publii,

Hanc tu se queritur, loqui putabis,

Sentit tristiamque, gaudiumque,

Collo nexa cubat, capitque somnos,

Ut suspiria nulla sentiantur;

Et desiderio coacta uentris,

Gutta pallia non fecellit ulla,

Sed blando pede suscitat, toroque

Deponi monet, & rogat leuari,

Castae tantus inest pudor catellae.

Ignorat Venerem, nec inuenimus

H

Dignum

Dignum tam tenera uirum puella.

Hanc ne lux rapiat suprema totam

Pictam Publius exprimit tabella,

In qua tam similem uidebis Iffam,

Vis sit tam similis sibi nec ipsa,

Iffam denique pone cum tabella,

Aut utramque putabis esse ueram,

Aut utramque putabis esse pictam.

De sexto genere epigrammati, caput
decimum sextum.

Est hoc genus nobile, & magnificum, generosum,
& splendidum, absolutum prudentia quadam,
& aequalitate plenum: in quo cum grauitate uenu-
tas miscetur: acumen cum lenitate temperatur: nu-
merus quasi ibi natus uidetur, non aliunde eo defle-
xus: non translatus ambitione, aut labore quaesitus.
In quo semper usque ad extremam conclusionem le-
gentis animus est suspensus, cuius desiderium expla-
tur sententia excepta. Conditur enim ex quae sita qua-
dam argutia, & numero dicendi genere perficitur.
In eo respondent aut partes partibus, aut extrema con-
clusio superioribus omnibus. Ut illud in lusibus.

Cur obscaena mihi pars sit sine ueste requiris,

Quaero

Quaero tegat nullus cur sua tela Deus?

Fulmen habet mundi dominus tenet illud aperte,

Haec datur aequoreo fuscina tecta Deo?

Nec Mauor's illum, per quem ualet, occulit ensim,

Nec latet in tepido Palladis hasta sinu.

Num pudet auratas Phaebum portare sagittas?

Clam ne solet pharetram ferre Diana suam?

Num tegit Alcides nodosae robora clavae?

Sub tunicam uirgam, num Deus ales habet?

Quis Bacchum gracili uestem praetendere Thyrso?

Quis te celata cum face uidit Amor?

Nec mihi sit crimen quod metula semper aperta est,

Hoc mihi si telum desit inermis ero.

Martialis uero de amphitheatro Domitiani.

Barbara Pyramidum sileat miracula Memphis,

Affidius iactet nec Babylonica labor.

Nec Triuiae templo molles laudentur honores,

Dissimuletque Deum cornibus ara frequens.

Aere nec uacuo pendentia Mausolea.

Laudibus immodicis Cares in astra ferant.

Omnis Caesareo cedat labor amphitheatro.

Vnum pro cunctis fama loquatur opus.

De septimo

De septimo genere epigrammati, caput
decimum septimum.

Septimum genus est amatorium molle, & placidum, quod influat in sensus & moueat. Non tamen amet turpitudinem, fugiatque illam obscaenitatem, quam de industria scètati sunt plerique spurci, & foedi homines, in componendo. qui sua turpitudine sese indignos effecerunt, qui ab ingenuis legantur. Respuunt enim aures castae, & honestae huusmodi effrenatam libidinem, & hanc immoderatam impudicitiam detestantur. Nam huic facilitatis auctores, nō modo ex hominum societate expellendos putabat diuinus Plato, sed pestes Reip. & carnifices iuuentutis uocabat. Quod & bonorum morum hostes, & castimoniae, uerecundiae depopulatores quasi quidam essent. Archilochum ob hanc foeditatem Athenienses de patria exterminarunt: Ouidium haec præclaræ doctrinæ in exilium perpetuum relegauit. obscaenitatemque & ab honestate alieni uersus non solù uiri Christiani auribus sunt indigni, sed nobilis, & liberaliter educati, famæ & dignitati pernicioſi. Tu si me audis, abstine, ne si turpibus insistas turpis ipse euadas. epigrammata turpia, obscaena, in honesta, ut scopulum cui tabis componendo: leges ut linguae candorem, nitorem

rem uersuum, numerorum uarietatem, in ueteribus notes, quoniā alia ipsorum fere non habemus. Quæ inopia bonorum exemplorum efficit, ut ego ipse qui non modo turpia fugienda esse admoneo, sed ea etiam quæ uel solam umbram habeant obscaenitatis relinquenda, utar aliquando in exemplis, quod noua afferre indignum iudico, uetera uix possum meliora colligere quam ea in quibus turpitudinis insit species. quod illi uidelicet in eo fuerunt ingeniosi in quo nobis perniciosos esse uidemus. Elige potius congruentem conuenientemque uitam, honestati instituere sine ijs, quam illis dubiis turpitudinem, foeditatemque præte ferre. Cor rumpuntur enim huusmodi carminibus mores, uita de prauatur, homines pecudibus similes efficiuntur. Quid enim aliud quisque sit, quam id cuius uel lectionis studet, uel studio delectatur? Componantur tamen in hoc genere epigrammata, quæ sint liberalia & ingenua, sint uerecunda, modesta, candida, culta, terfa, mollia, affectuum plenissima, & quam uarius est amantium affectus, tam uaria sint ipsa. Sint interdum multila, & deficiencia. Nam maxima amantis sapientia est, nonnunquam una amentia, quæ exprimetur in epigrammate, dum uel sententiae deficiunt, uel sunt multæ, uel repetuntur. Cum uaria desideria exponuntur, multiplices, et cōtinuae cogitationes, somnia, uisa, præsagia,

praesagia, collocutiones fictae. Cauendum tamen est diligenter, ne sint frigida, languida, inculta, puerilia. Multa sunt apud Catullum huius generis, praeclara multa apud Martialem. Nam est hoc genus uarium & in eo poetarum antiquorum multa fuerunt praeclara. de quibus, quia sunt pleni libri scribendis exemplis supersedeo.

De octavo genere epigrammati, caput decimumoctauum.

Quoddam est genus iucundissimum, acutum & facetum, cum Echo in fine uersuum responderet, uel in medio, & sententiam uel illustrat eandem: uel diuersam exorditur. In hoc genere Latini fuerunt feliciores Graecis. Hoc compositionis genere poeta sibi magnam auditorum attentionem comparat, et uoluptatem efficit non mediocrem. In hoc genere illud est elegans, quoties extrema etiam uerba mutantur, & expectatio auditoris diuersa conclusione deluditur. uerbi gratia si sint nobiles non respondeat biles, sed uiles. Nam hoc modo uersus terminatur suauius. Quaenam uitate maiorem inuentionis laudem consequitur poeta si concinne id efficiat, quam si ueteres imitando sequi studeat. Est illud elegans ueteris poetae: multa similia circumferuntur.

Quae

Quae celebrat Thermas Echo et stagna alta Neronis
Deludit uoces concava saepe meas.
Saepe hic Narcissum expecto simul illa moratur,
Si queror, haec queritur, si gemino, illa gemit.
Quis nam clamor? amor, quis nam furor? uror.
Echo quae grauior paena in amore? mora?
Expectas Narcissum? ipsum. quae causa morandi?
Orandi. Num ista haec dicta notabit? abit.
Ad fuerat? fuerat. ne isthic? hic. quem fugit iste?
Is te. etiam me? Me. quod malum amare? marc.
Non ueniet? ueniet. quae spes? aes. Vincitur auro?
Auro. Victor ero prodigus aeris? eris.
Sunt pueri fragiles? Agiles. ui muneris? aeris.
Quis docet hoc? Echo, cum bene clamat, amat.
Habetur etiam illud genus salsum, ornatum, & urbanum, cum res aliae, ex alijs quasi subordinantur cum nouitate aliqua. Quae nouitas mutati uerbi, uel syllabae, uel litterae habet leporem, ut illud.
Spernitur haereticis, pietasque, fidesque, Deusque,
Cur? quia non aliud uiuere, quam bibere est.
Illiud hoc loco non puto esse praetermittendum, non esse uidelicet conuertendos numeros ad allusionem nominis. Quoniam nihil est stultius, nihil ineptius eo studio, cum habeas animi, corporisque dates, & campum latissimum uirtutum, in quo possis enagari, & excusare.

De conficiendis Epigram.

nere. Nam facta argumentum suppeditant, res gestae, aetas, munia, dignitas, generis antiquitas, nobilitas, dicta, consilia, ornamenta alia, in quibus praedicandis finem non inuenies. Aliquando tamen ad uituperandum non inepte licebit uti, ut Ouidius

At cur non dicam Furia, te Guriam?

De epitaphio caput decimumnonum.

Sunt praeterea quaedam genera epigramatis, quae Epitaphia dicuntur: quae sere in exornatione sunt posita. Est autem epitaphium inscriptio, quae in sepulchra sit, quae docet, cuius ossa tegantur ea mole, quod eius plerunque nomen aetas, dignitas, munus, facta, & huiusmodi alia. More veterum indicat Virgilius.

Et tumulum facite, & tumulo superaddito carmen.

Daphnis ego in silvis hinc usque ad sidera notus.
Epitaphium autem prius fuit oratio funebris, quae praeclara facinora, & res bene pro patria gestas uiri alicuius demortui, aut demortuorum aliquorum declarabat publico praeconio, quae habebatur ad tumulum uita functorum. Huiusmodi epitaphium extat apud Thucydidem, scriptum etiam reliquit epitaphium, siue funebrem orationem Diuinus Plato, quam ipse compo-
suit in funere eorum, qui ob patriam obierunt. Illa adeo

adeo probata fuit omnium consensu, ut institutum fuerit quotannis eam publice recitari. Haec oratio more veterum modo uersu constabat, & dicebatur carmen inferiarum, siue parentalia: modo soluta oratione, & funebris oratio appellabatur. Nos hodie ea, quae ad se pulturam in demortuorum interitum componuntur epitaphia nominamus, siue illud incidatur, siue in librum referatur. Eius materia diuersa ratione tractatur, diuerso modo. pro imperatore, pro exercitu, pro Rege, pro publico magistratu, pro puero, pro senectate, pro adulto, pro foemina: proprie, & apte accommodandum est. Aliquando per exclamacionem: modo per interrogacionem, ut nosmetipos rogemus; ut expellemus responsionem; deinde percontemur alia: Ut loquamur cum urna, siue tumulo, petamus a nobis ipsis rationem consilij nostri, significemus interdum quid nos loqui, quid silere cogat; quo dolore afficiamur: quod officium exitat, & uirtutes demortui postulent, loqui nos: quam uis impedit luctus. Decet inueniri in mortem, in causam interitus: si pestis, si bellum, si casus, si aqua, si ignis, si mare, si ager, si uilla: licet excurrere in pericula detestando, accusando Parcas, in aetatem, in tempus, in Persephonem, in Ditem, in Solem, qui aspexit, & passus est, in lunam, in diem, qui non obduxit omnia nebulis; in partem anni, aetatem, hiemem &c.

Consolari conuenit propinquos, amicos, socios: polliceri uitam beatam; precari quietem, gaudium, uitam perpetuam. Alloqui interdum saxum, tumulum, uitatorem, lectorem, amicum quempiam, patriam, domum, familiam, & sic de ceteris. Nonnūquam colloquemur cum posteritate, ut non obliuiscatur laudis illius, & famae: accusabimus fortunae inconstantiam. Si sapiens, qui uita est sanctus, alloquemur Musas, Apollinem, Mineruam, Montes sacros Musis, fluvios, et patriae flumina, ut si Romanus, Tiberim, si Florentinus Arnum, si Neapolitanus Sebethum; Si miles, Martem, Bellonam; si sacerdos, antistes, uir iustus, pietatem, religionem, fidem, uirtutes omnes: si nauta mare, & maris omnia, & sic de ceteris. Demonstrabimus bona, quibus demortui perfruantur in beatorum contubernio; quid in terris consequantur, honores, titulos, famam, memoriam sempiternam. Declaramus studia, aetatis gradus, dotes animi, facta, ingenium. Haec in uniuersum dicta sint, unde petatur argumentum componendi epitaphium. Sed praecipuas epitaphij partes assignemus. Eae sunt potissimum luctus, laudes, consolatio, exhortatio, explicatio damni, & iacturae, amplificatio rerum, ut desiderium amissi augeatur: addenda tamen consolatio. Fuerunt ueterum simplicissima epitaphia nonnunquam, culta, & elegancia.

gantia. Illud poetæ Pacuij.
Adolescens tametsi properas, hoc te saxum rogas
Ut se aspicias, deinde quod scriptum est legas.

Hic sunt poetae Pacuij Marci sita

Ossa: hoc uolebam nescius ne esses: Vale.

Illud Plauti.

Postquam est morte captus Plautus
Comoedia luget, scena est deserta,
Deinde risus, ludus, iocus que & numeri,
Innumeris simul omnes collacrymarunt.

Illud Virgilij.

Mantua me genuit, Calabri rapuere, tenet nunc
Parthenope, recini pascua, rura, duces.

Illud Diogenis Cynici, cuius signum sepulta-
ræ appositum, erat canis.

Dic canis hic cuius tumulus? Canis. At canis hic quis?

Diogenes. Obijt? Non obijt, sed abiit.

Diogenes cuius pera penus: cui dolia sedes

Ad manes abiit? Cerberus ire uetat.

Quoniam igitur? clari flagrat qua stellæ leonis,

Additus est iusta nunc canis Eriogona.

Illud etiam non ignobile D. Alfonsi Auall
Marchionis Piscarij.

Quis iacet hoc gelido sub marmore? Maximus ille
Piscator, belli gloria, pacis honor.

Num

De conficiendis Epigrām.

Num quid et hic pisces cepit? nō. ergo quid? Vrbes,
Magnanimos reges, oppida, regna, duces.
Dic quibus haec cepit Piscator retibus? alto
Consilio, intrepido corde, alacriusque manu.
Qui tñ rapuere ducem? duo numina Mars, Mors.
Ut raperent quidnam compulit? Inuidia.
Nil nocuere tamen, uiuit nam fama superstes,
Quae Martem, & Mortem uincit, & Inuidiam.

De Nænia caput uigesimum.

EPITAPHIJ nomine complebantur ueteres Nænia,
quo nomine deam funerum, etiam appellabant,
ut Festus, & D. Augustinus docent. Dicebatur uero
Nænia epitaphium, seu carmen, quod ad rogum ca-
nebatur, si uero sculpiur ac scriberetur, epitaphium. In
Nænia multa dicebantur de eo, cuius combureretur
corpus, more ueterum, uel tegeretur sepultura, quae
ad commendationem, ad lamentationem, & luctum
facerent. Sit illud optimū Næniae exemplum in quar-
to Aeneidos. Ubi Dido antequam se in rogum conij-
ciat, sibi carmen lugubre concinit, quod quemuis uel
ferreum facile moueat.

Dulces exuiae, dum sata, deusque sinebat,
Accipite hanc animam, meque his exolute curis.

Vixi,

Libellus.

Vixi, & quem dederat cursum fortuna peregi,
Et nunc magna meis sub terras ibit imago.
Urbem praeclaram statui, mea maenia uidi,
Vita uirum paenas inimico a fratre recepi,
Felix, heu nimium felix, si litora tantum
Nunquam Dardaniae tetigissent nostra carinae.
Dixit, & os impressatoro, moriemur inultae?
Sed moriemur ait. Sic sic iuscat ire sub umbras.
Hauriat hunc oculis ignem crudelis ab alto
Dardanus, & nostra secum ferat omnia mortis.

De Epicedio caput uigesimum primum.

EPICEDIJ erat carmen, quod pronuntiabatur in
exequijs dum soluerentur iusta. Nam ut scribit
Ammonius Epicedia sunt, quae laudem demortui con-
tinent cum commiseratione. Dicitur uero Epicedium
corpori non dum sepulturae mandato, quod semel tan-
tum pronuntiatur, Epitaphia uero etiam anniversaria
erant, ut Athenis, ut & Artemisiae imperio, ad Ma-
soleum mariti siebat quotannis. Sit Epicedij exem-
plum illud in nono libro Aeneidos, ubi mater cadauer
filij Euryali alloquitur.

Hunc ego te Euryale aspicio? tunc ille senectae
Sera meae requies? potuisti linquere solam
Crudelis?

De conficiendis Epigram.

Crudelis? nec se sub tanta pericula missum
 Affari extremum miserae data copia matri?
 Heu terra ignota, canibus data praeda Latinis,
 Alitibusque iaces: nec te tua funera mater
 Produxo: pressi ve oculos, aut uulnera laui
 Veste tegens, tibi, quam noctes, festina dies que
 Vrgebam, & tela curas solabar aniles.
 Quo sequar? aut quae nunc artes, auulsaq; membra
 Et funus lacerum tellus habet? hoc mili de te
 Nata refers? hoc sum terraque, marique secura?
 Simile illud in extremo decimo, ubi Mezentius de-
 plorat Enus interitum, & in undecimo, ubi uel Ae-
 neas, uel Euander deplorant Pallanta immatura mor-
 te praereptum: quae non adiungo ne sim multus. No-
 nunquam in Epicedio est permixtum elogium, ut eo loco
 Te nemus Angitiae, uitrea te Fucinus unda,
 Te liquidi fluere lacus? Quando uero ad tumulum
 recitatatur, iam non Epicedium, sed Epitaphium no-
 minabatur, ut illud Catulli ad fratris tumulum.
 Multas per gentes, & multa per aequora uectus
 Aduenio has miserias frater ad inferias,
 Ut se supremo donarem munere mortis,
 Et mutum ne quicquam alloquerer cinerem.
 Quandoquidem fortuna mili se se abstulit ipsum,
 Heu miser indigne frater adempto mili

Nunc

De conficiendis Epigram Libellus

Nunc tamen interea prisca, quae morè parentum
 Tradita sunt tristes munera ad exequias,
 Accipe fraterno multum manantia fletu,
 Atque in perpetuum frater aue, atque uale.

De Monodia, caput uigesimumsecundum.

Monodia item in funere intelligebatur. erat autem carmen lugubre, quod ab aliquo uoce subtristi canebatur ad mouendos affectus, & eliciendas lacrymas. Nec tamen idem est cum Threno de quo mox dicemus; fuit enim Monodia quoties unus prodibat in medium, qui defuncti memoriam uoce moesta, & lugubri carmine prosequeretur; idque uel ad tibiam fiebat, uel uersu musicorum modulis temperato. Quod exemplum subiiciam non inuenio, nisi ex choro Tragoediarum sumam, ut illud apud Senecam in Hippolyto.

Huc huc reliquias uehite cari corporis
 Pondusque, & artus temere congestos date.
 Hippolytus hic est? facinus agnoso meum,
 Ego te peremi, neu nocens tantum semel
 Solus & fierem facinus ausurus parens,
 Patrem aduocavi: munere en patrio fruor.
 O Triste fratti orbitas annis malum,
 Completere artus, quodque donati est super,

K Mise-

Miserande moesto pectore incumbens forte.
& quae sequuntur.

De Threno caput uigesimumtertium.

Threnus Latine sonat luctus, fuit genus carminis, quo deflebant ueteres euerionem urbium, ut in diuinis litteris uatem sanctissimum uidemus deflere casum acerbum ciuitatis sanctae. Sed usus etiam latius patet, ut ex inuentione intelligimus. Nam ut docet Pausanias, cum Herculi successeretur huius doctor, quod uidelicet discipulus ineptior ad discendum esset, ille ita commotus ingrato animo in doctorem saeuij, atque interemit; Ceteri Lini auditores carmine lugubri peremptum doctorem deplorarunt. Id genus carminis usurparunt deinde praeficae, quac deplorandis uita funeris uictitabant. Habant namque compositum carmen accommodatum omnibus funeribus, quod cuiusfuneri accommodabant. Mutatis enim nominibus uita funeralium, & familiarium propriu faciebant. Uiget hodie is mos in Sicilia, & peruersa inueterauit consuetudo. Nam praeficae, pretio conducuntur, ut praeceant uoce lugubri, quaedam carmina, ad quae eiulatu, & fletu cognati, & propinqui defunctorum respondeant. Quam consuetudinem tamen, ut indignam ijs,

qui

qui aeternam, in mortalem uitam esse confitentur sustulit lege Praetor optimus Iohannes Vega: quamuis de prauata licentia lege coereri iure ad hanc diem potuit. Canebatur item Threnus in ipsa calamitate ab ancillis antequam cadauer terrae mandaretur, postea etiam quam conditum esset, & anniuersariis inferijs.

De Elogio, caput uigesimumquartum.

ELogium etiam dicebatur, quoties sententia aliqua numeris includebatur in commendationem, uel de testationem alicuius personae. Sive celebre aliquod dictum dignum memoria, quae alicuius contineret laudem, uel uituperationem, ut Marcus Tullius, & Quintilianus docent. Refert illud Marcus Tullius in libro de Senectute. Solonis quidem sapientis Elogium est, quo se negat uelle suam mortem dolore amicorum, lamentisque uacare. In prima uero quaestione Tusculana. Quid ipsa sepulcrorum monumenta? Quid elegia significant, nisi nos futura cogitare. Elogium uero etiam est honoris significatio, quae ex poetae opinione, & iudicio proficiuntur, quale illud apud diuinum poetam in nono libro, de Niso, & Euryalo.

Fortunati ambo, si quid mea carmina possunt,
Nulla dies unquam memori uos eximet aeuo:

De conficiendis Epigram.

Dum domus Aeneae Capitolii immobile saxum
Accolet : imperiumque pater Romanus habebit.
In detestationem illud in octauo libro Aenea-
dos de Caco.

Nequeunt expleri corda tuendo
Terribiles oculos, uultum, uilloſaque ſetis
Pectora ſemiferi, atque extincos fauicibus ignes.
Eſt illud ſimpliciſſimum Eloquium in imagi-
ne Ennij poetae.

Aſpice o ciues ſenis Ennij imaginis formam,
Hic cecinit ueſtrum maxima fabta patrum.
Illud compositum magis, & uenustum in li-
bro ſecundo Aeneidos de Priamo.

hic exitus illum
Sorte tulit Troiam incenſam, & prolapſa uidente
Pergama, tot quondam populis, terrisq; ſuperbiū
Regnatorem Asiae, iacet ingens littore truncus
Aulſumq; humeris caput, & ſine nomine corpus.
Nec uero locum elegantiorēm poſſum proferre, quam
illum diuini poetae, in quo elogium complectitur in lau-
dem filij, & detestationem parentis Mezentij.

Filius huic iuxta Laufus, quo pulchrior alter
Non fuit excepto Laurentis corpore Turni.
Laufus equum domitor, debellatorque ferarum
dignus patrijs, qui laetior eſſe

Imperijs,

Imperijs, & cui pater haud Mezentius eſſet.

De Aenis, caput uigilimum quintum.

VEt uiflimum fuit Epigrammatiſ genus, quod
Hesiodus Aenum uocauit, in quo inefſent fictio-
nes, & quaedam picturae, & rerum imagines.
Cum aliud aperte praefeſerunt, aliud uero ſignificat,
& tacite profitentur, ut illud Horatij ad Brutum ode
decimaquarta libro primo.

O nauis referent in mare ſe noui
Fluctus, o quid agis fortiter occupa
Portum : nonne uides ut
Nudum remigio latus,
Et malus celeri fauicus Africo
Antennae que genitrix ne ſere ſumbas
Uix durare carinae

Poſſint imperiosus
Aequor ? Non tibi ſunt integra linea,
Non dij, quoſ iterum preſſa uoces malo
Quamuis pontica pinus
Siluae filia nobilis,
Factes & genus, & nomen inutile :
Nil pictis timidus nauita puppibus
Fidit : tu niſi uentis
Debes

Debes ludibrium caue,
Nuper sollicitum, quae mihi tedium,
Nunc desiderium, curaque non leuis,
Interfusa nitentes
Vites aquora Cycladas.

Huc etiam referunt ea Epigrammata, in quibus non modo animalia rationis, sermonisque expertia loqui fingimus, sed etiam uestes, enses, arma, ornamenta, instrumenta artium, & alia huiusmodi. Sed in his omnibus Epigrammatum generibus leges uetus statis obseruandas censeo; quas in ueterum monumentis, & scriptis uidemus; illud tamen animaduertamus, ut quam simplicissimo charactere, & forma deducamus rei gestae narrationem, uictoriae, familiae, patriae, & hanc puritatem nullo ambitionis studio custodiat diligenter, qui laudem uale consequi.

De Palinodia, caput uigesimum sextum.

PAlinodiam primus dicitur composuisse Stesichorus poeta Siculus. Erat autem Palinodia certum genus epigrammati, sive epigramma totum in laude consumptum. Nam cum prius aliquem uituperasset poeta, cuius scriptio nis eum penitus esset, recantabat iterum, & eum, quem accusarat, laudabat rursus, & quae probra

De conficiendis Epigram. probra coniecerat, eleuabat commendando, revocabat que sententiam negando quod assertum fuerat prius. Tale illud apud Horatium ode decima sexta lib. primo. O matre pulchra filia pulchrior,
Quem criminosis cunque uoles modum.
Pones Jambis, sive flamma
Sive mari libet Adriano?
Non Dindymene, non adytis quatit.
Mentem sacerdotum incola Pythius.
Non liberae que, non acuta
Sic geminant Corybantes aera.
Tristes ut irae: quas neque Noricus
Deterret ensis, nec mare naufragum,
Nec saevis ignis, nec tremendo
Jupiter ipse ruens tumultu.
Ferrur Prometheus addere principi
Limo coactus particulam undique
Desellam, & insani Leonis
Uim stomacho apposuisse nostro.
Irae Thyesten exitio grani
Strauere, & altis Urbibus ultimae
Stetere causae, cur perirent
Funditus; imprimeretque muris
Hostile aratrum exercitus insolens
Compescere mentem me quoque pectoris
Tentauit

Tentauit in dulci iutenta
 Feruor, & in celere iambo
 Misit furentem, nunc ego mitibus
 Mutare quaero tristia, dum mihi
 Dum mihi fias recantatis amica
 Opprobrijs, animumque reddas.
 Haec, & huiusmodi ad Encomia reducuntur ut Paeanes, & scolia, de quibus alio loco, ut institutum absoluamus.

De ijs rebus, quibus perfectum fiat epigramma,
 caput uigesimum septimum.

Perficitur epigramma, & absolvitur suis numeris, ut quodcumque aliud poematis genus, dupli ratione, imitatione, & iudicio: quae tamen inter se copulata, non disiuncta intelligi uolo. Hacc enim duo coniuncta inueniantur, necessitas est in eo, qui sit compositurus. Nam ijs duobus uniuersum fere negotium absolvitur: cum ut imitemur, tum ut statuamis. quid, & quatenus imitari debeamus: quae-vesti forma imitandi eligenda. Hoc fieri non potest quin prius poetam probemus, & imitandi speciem, siue ideam hanc, uel illam, & praestantissimam, & ingenio nostro accommodatam, naturaeque aptam iudicemus. Quamuis enim

enim primi, quem sequerentur non habuerint, nobis tamen tantopere est necessaria imitatio, & expetenda, ut sine ea uix poetae nomen suffici possumus. Nec enim hac tempestate illo studio, & contentione, qua ueteres, indagamus componendi rationem, & formam eligimus: sed quasi aliud agentes, operam uel exigua ponimus in eo studio, in quo illi omne tempus, & aetatem collocabant. Adde quod inconstantia fortunae impeditur, temporum aduersa conditione, inquis uicifistudinibus rerum. Nec inuitamur ijs praemijs, quibus illi, nec eo in honore est poetica, quo apud antiquos fuisse accepimus. Peregrini praeterea in linguam Latinā incidimus non modo qui extra Italiā, sed qui in ipsomet Latio nati educatiūne sunt. Quod si aurea illa, & florentissima Romani sermonis quasi aetate, cum linguae dignitas suam est quasi maturitatem consecuta, veteres illi singulari ingenio, & doctrina uiri nihil aggrediebantur sine imitatione: Nos hospites, & oscitantes sine ea quidquam magnopere admirandum posteris posse nos relinquere arbitrabimur? Nonne bonus ille, & urbanus poeta, qui imitatores seruum pecus uocat, & imitandi studium improbare uidetur, non me inquam, is ipse sine imitatione ueterum putat nihil laudabile posse fieri? Nonne ijs praecepit in arte poetica ut nocturna, & diurna uerset manu auditorū Graecorum.

corum uolumina si, qui aliquid admiratione dignum uult componere? Ille idem primum in ijs spatijs constitit, in quibus pedem posuerat Lucilius: ac mix illae uestigia impresserat, cum hic eisdem impressionibus gradum fixit. Epistolam uero composuit more Theognidis, & Phocyllidae. In lyricis nemo negat illum pedem ab imitandi ratione dimouisse, quod declarant loci numeri de Graeco in Latinum sermonem mutati, ut per quos proficerat, admoneret per eosdem nos proficere posse, si ut ille, nocturna uersaremus manu, uersaremus diurna exemplaria Graeca. Sed in primis iudicium adhiberi conuenit in eo, ut optima quae que feligamus ad imitandum. Ubi uero composuerimus, ea quasi peregrina perpendamus, & aestimemus perinde ac si essent aliena. Videndum igitur diligenter est, quomodo veteres animi sensa exposuerint, quae poetica iudicarunt, quae non: quo ordine, quibus luminibus, & figuris, quibus numeris, qua longitudine, qua ratione, & in singulis accommodemus epigramma nostrum. Illi pars carminibus sententias exiguas item includunt, nos decorū inspicientes seruemus. Illi alia Iambicis, alia Hendecasyllabis, alia alijs numeris sunt complexi, conemur nos proxime accedere, & bonos quoque imitando adaequare, si laudem consequi uolumus, sed de numeris deinde pauca erunt subiungenda.

Quomodo

Quomodo sit expoliendum epigramma, caput uigesimum octauum.

Animum censoris uult Horatius, sumat, qui recte corrigere debet epigramma, & quodvis poema, illud laudat in Quintilio Varo, quod ille multa aliter esse efferenda diceret, quam quae primo illo ardore animi, & quasi impulsu protulisset; quod si corrigiuersus, & sententia non poterat, honestius iudicabat expingi omnino, quam in quo uitij aliquid inesset, praetermittere, atque ideo delere iubebat. Diligenter igitur curandum est, ne nos ille amor nostrarum lucubrationum, & scriptiorum decipiat, efficiatque ut illa probemus, quae alioqui uitiosissima sunt. Nam sunt ueluti quidam ingenij partus, ea, quae componis, ut uero benevolentia in liberos efficit, ut multa, quae in alijs non toleraremus, in ipsis patiamur, laudemus, efferas. Et qui alioquitur pes sunt, & foedi nobis formosissimi uidentur: ita nostrarum scriptiorum gestens uoluptas, & amor plerunque nobis aciem mentis perstringit, ut ne errores quidem grauiissimos uideamus: qui in alijs ne excusationem quidem ullam accipere uelimus. Cogitet igitur qui suum ex polit epigramma, illud ex agitandum esse, & aestimandum alia trutina, & statera, quam ea, quam adhibeat sui amor.

L 2 Exagi-

Exagitet ergo, & emendet, expoliat, limet: Multo enim est satius nos nostra studio, & diligentia corrigere, perfectaque reddere industria, & labore, quam ut morosi lectores insectentur, uituperent, dilacerent. Hoc ut assequamur praestat ubi composuerimus remouere aliquandiu, & afferuare dum ille animi ardor deferue scat: qui nostra nobis commendat, nec sinit uitia uide re. Deinde uero ea ut si alicuius essent inimici inseble mur, notemus inuentionem, dispositionem, & ordinē, uarietatem, locutiones, numeros, ieiunitatem, superflua, & quae uitiosa iudicauerimus conemur remouere. Quam apte, quam proprie dicantur animaduertamus: ne amplificare uolentes imminuamus, uel cōtra, applicemus omnia, perseueremus in similitudine, & in metaphora, in argumento ne misceamus multa aliena, ne ex quo vis genere florū texamus corollas, sed omnia aequabilance examinemus: & quae in alijs aut non probamus, aut non patimur, in nobis ne seramus. Deleamus, mutemus, expurgemus quamvis in uita recedant: nec tanti unum, uel alterum uersum faciamus, ut ordinem, & decorum paruipendamus, dūmodo illum inseramus. Quoniam demonstrat hoc inopia ingenij, & iudicij. Oportet poetam esse liberalē, nec nimis religosum in mutando, & delendo etiam, quae multo labore composit. Nec uero semel hoc studium

dum limandi est adhibendum, sed saepius. Iustat etiā audire sententiam eorum, qui in eo studio excellent, quoniam semper sumus meliores indices in alienis, quā in nostris. Locutiones examinare adhibitis Lucretio, Virgilio, Catullo, Tibullo, & Horatio. Numeros adhibito in suo quoque genere principe poeta, decorum, et ordinem expendere ex arte Rhetorica, cetera suo item modo, & ratione. Hoc est, quod Horatius commendat tantopere ut nonum prematur in annum. Non quod ita la mōra, afferat quicquam absolutioni, sed quia erit tēpus emendandi, expoliendique accuratius. Quemadmodum uero singula debeamus expendere, non erit ab re si eandem rem à diuersis poetis tractatam subiçiamus, ut qui superior, qui inferior fuerit uidere possumus, & quibus rebus id fuerit asseditus, ut nos ad illum perfectionem in componendo accommodemus, & in emendando quid examinare debeamus animaduertamus.

Qua ratione examināda sint nostra poemata ueterum exemplo, caput uigesimumnonūm.

Quo facilius, & commodius perfectum epigramma componere queamus, & diligentiam expoliendi adhibere erit utilissimum conferre rem eandem a diuersis.

diuersis poetis explicat am, ut quomodo hic assequatur decorum, qua in re ille fuerit mancus, intelligamus : ut in alienis erroribus cauiores efficiamur, et aliorum periculis faciamus de nostro ingenio periculum. Sic fieri ut animaduersis uirtutibus aliorum, et quorundam cognitis uitij prudenter euadamus. Juuat etiam studio attentare, an aliqua quae ueteres sunt complexi, melius dici potuerint ; quod tunc inspicimus, ubi quasi Penelopes telam reteximus. Verbi gratia. Describat Virgilius tempestatem, describant alij eisdem numeris, & forma compositionis, certent inter se : adhibeatur nos indices, canant ipsi inter se, nos ut Palaemon canentes audiamus. Incipit Virgilius in 1. Aeneidos.

Incubuere mari, totumque a sedibus imis
Vna Eurusque, Notusq; ruunt, creberq; procellis,
Africus, & vastos uoluant ad litora fluctus.
Insequitur clamorq; uirum, stridorq; rudentum
Eripunt subito nubes, coelumque, diemque
Teucrorum ex oculis ponto non incubat atra.

Intonere poli, & crebris micat ignibus aether,
Præsentemque uiris intentant omnia mortem.
Audimus horrorem tempestatis non modo re ipsa, quae exponitur, sed numeris ad eam rem aptis, exquisitis dictionibus, litteris, & syllabis, nihil ut eleganius posset describi & ante oculos ponи. Audiamus Ouid.

Cum

Cum mare sub noctem tumidis albescere coepit
Fluctibus, & praecips spirare ualentius Eurus
Ardua iam dudum dimittite cornua rector
Clamat, & antennis totum subducite malum,
Hic iubet impediunt aduersae iussa procellae.
Nec sinit audiri uocem fragor aequoris ulcam
Hic rapit antennas, quae dum sine lege geruntur
Aspera surgit hiems.
Conferamus inter se hos duos eandem rem pingentes.
Non eo animo ut tam simus amentes, ut ueterum scripta uelimus reprehendere, qui utiuam aliquando possimus satis admirari, præsertim ingeniosissimi poetarum Ouidij. Sed tamen quia nemo est tam exigui ingenij, qui si duas res in eodem genere inter se conferat nesciat statuere, utra præst anterior sit, & excellentior : ut possimus addiscere & bonos imitari utriusque carmina expendemus. Nec uero mirandum erit, si cum de epigrammate agamus, Heroica carmina ad examinandum proponamus. Nam cum in id semel incumbamus, ut suis numeris absolutum epigramma qui fieri possit, ostendere conemur : nech habeamus duos, qui epigramma cō posuerint eadem de re, & materia, ostendenda certe fuit ratio in poetis recte imitandi, et emendandi nostra iudicio, & ratione. Nam hinc facile perspiciemus, qua ratione nostra possimus expolire. Quocirca nemo no-

strum

strum hoc studium reprehēdat, nemo accuset industria: Adhibemur indices, feramus sententiam de re, nomen poetae substrahamus in praesentia, ne manibus Ouidij iniuriam uideamur facere. Quamuis ille sane si uix ifset, ut erat ingenio, & copia, singulari, ita certe iudicio, & consilio erat futurus solerti in emendando, quod ipse de se testatur.

Emendaturus si licuisset eram.

Ferat ergo Palaemon sententiam auditis duobus poetis, diuino altero, altero ingeniosissimo. Certe rem expendet Palaemon, & eo magis admirabitur illius cantum, quo magis attenderit: tantumque inesse in eo concentum, ut uix sonus huins audiatur: intelligit: illum tam esse cultum, proprium, concinnum, ut lucem huic praeripiatur. In primis tempestatis principium non minax, languet potius, & iacet, albescit enim unda etiā minima tempestate. Hoc uero non uidetur stare posse recte, sub noctem coepit albescere, & iam dudum rex clamat. Aut dormiebant nautae aut imperium recusabant, qui alioqui minimo signo soliti sunt per foros cursitare. At illud quomodo cohaeret, modo coepit mare albescere, iam fragor impedit nautas ne uocem audiviant: iam procellae illos retardant ne possint uela colligere: tam erant inexperti, ut illi co redderetur amores? Ibi alias uteretur spondeis ad tarditatem. Hic n
bet

bet impedium aduersae iussa procellae: ut rem numeris significaret. Si hic rapit antennas, quomodo sine lege geruntur? & quomodo aspera surgit hiems? concinnior ille, uenustior, elegantior, non modo re, sed numeris, uerbis ipsis quot litteras caninas. R. ad illum horrorem, quot s. ad sibilum quem uenti exprimunt: quid cum audimus.

In sequitur clamorq; uirum, stridorque rudentum. Nullum est uerbum ubi non sit. R. & uersus ipse pronuntiatu tempestatem ponit ob oculos; nonne illud caelumq; diemq; exprimit uim tempestatis? quid illud ponto nox concubat atra. Ille uersus bis interruptus in monosyllabis cum collisione non significat illam intempesta noctis assidue fulgurum iactationem interruptis nubibus? Omitto reliqua ne sim multis. Lucanum eandem rem canentem audiamus libro quinto.

Inde ruunt rotu concia pericula mundo

Primus ab Oceano caput exeris Atlanteo

Core mouens aestus, iam te tollente furebat

Pontus, & in scopulos totas erexerat undas.

Occurrit gelidus Boreas, pelagusque retundit,

Et dubium pendet uento cui pareat aequor,

Sed Scythici uicit rabies Aquilonis & undas

Torsit, & abstrusas penitus uada fecit arenas,

Nec perfert pontum Boreas ad saxa, suumque

In fluitus cori frangit mare, motaque possunt

Aequora subduetis etiam concurrere uentis,

Non Euri cessasse minas, non imbris atrum
 Aeoliū iacuisse Notum sub carcere saxi
 Crediderim, cunctos solita de parte ruentes
 Defendisse suas uiolento turbine terras,
 Sic pelagus mansisse loco, nam parua procellis
 Aequora raptā ferunt, Aegaeas transit in undas
 Tyrrhenum, sonat Ionio nugas Adria ponto.
 Ah quoties frustra pulsatos aequore montes
 Obruit illa dies, quam celsa cacumina pessum
 Tellus iusta dedit; non ullo litore surgunt
 Tam ualidi fluctus, alioque ex orbe uoluti
 A magno uenere mari, mundumque coercens
 Monstriferos agit undas sinus.
 Audiuitus canentem, iudicet ergo Palaemon an dignus
 hic uitula, & ille. Rem ubi examinari trutina aqua,
 non dubito quin indicet monstra potius eum peperisse,
 quam partum formatum, suisque conflatum membris,
 ordine, & ratione concinnum. Furere sene uidetur, non
 currere, sine habenis efferri huc, atque illuc, nec posse con-
 sistere: nescit ressecare silvescentes frondes, ut fructus ma-
 turescant, & colorentur suo sole, & decoro. Quae in-
 opia ingenij est eadem saepius inculcare, nec uariare nomi-
 na: nea cobibere animi ardorem dummodo efferuescenti
 cupiditati satisfaciat, in nugas desinere? quater paucis
 uerbis inculcatur nomen pontus; bis repetitur Vox
 Mare. quater aequora, ter pontus, ter Boreas, ter un-
 da,

da, bis fluctus, ter pelagus, & alia, ubi Neptunus, ubi
 Doris, Thetis, Nereus, marmor, salum, fretum, Amphi-
 trite, & cetera? Puderet bonum poetam tam breui spa-
 tio interiecto toties eadem nomina repetere. Quanto bre-
 uius ille rem amplificat, ut magis exaggerari non possit;
 hic dum uult extollere imminuit. Quam inepte tot hyper-
 bolas: quam ridiculum illud de incredibili inundatione.
 Quae, & quanta repugnantia in dictis? Durum sane
 coeretur à molliori? Quae insania Corum opponere Bo-
 reae? qui enim retundit Boreas pelagus motum à Coro?
 Nam uterque adiacet septentrioni: Boreas quidem à la-
 tere uersus exortum solis: Corus uero à latere eiusdem
 uersus occasum. Itaque quicunque eorum impellat flu-
 etus, ab alio repelliri non possunt. Maioribus subiungit
 minora. Dicit adeo extolli mare uentis, ut imbre in nu-
 bibus accipiat, atque usque adeo efferri, ut hauriat plus-
 uias antequam decident, deinde addit, nubila tanguntur
 uelis. Quorsum sit Apostrophe ad Corum? quorsum illa
 tarditas in uento, quasi iniutus ueniat exercit Atlanteo?
 Quid hoc mouens aestas, deinde furebat pontus, & ex-
 ererat undas? Cui occurrit Boreas? ob quam rem pendet
 aequor dubium? An interea dum deliberat, cui debeat
 obtemperare, nō est tempestas? quae uerba cum suis sub-
 stantiis quam humilia, quam non apta, nec propria;
 qui fieri potest, ut Tyrrhenum mare transeat an Aegaeū
 cum antequam illi coniungant sit aliud interiectū, aliud q;

De conficiendis Epigram.

sortitum nomen. Quae nugae sunt hae? qui numeri? sà
nè si haec illa subtili bilance uelimus expendere hominis
amentis esse potius putabimus, quam boni postae; & e-
ius qui dum gloriolam uult aucupari, ambire que famam
admirantium quorundam, colligat stultitiae suae testes.
Vides igitur quātum intersit inter compositionem illius,
& huius congeriem, & aceruum rerum. Disce hac ratio
ne superflua amputare, in rebus tibi non contradicere, nō
ponere repugnantia, non amplificando maioribus minora
subiungere, non contraria, non inculcare uoces easdem,
non impropre loqui, non refarcire quibusunque uerbis
uersum; sed décore omnia, ita ut unum uerbum si tollas
aut mutes corruat & canor ille uersus, & sententia in-
fringatur. Vocemus alio nomine in iudicium iterum Vir-
gilium alia in causa, & re illi conferamus alios in eadem
materia, ut qui ille excellat, alijs sint inferiores uidere pos-
simus, & ad eam praestantiam nostra epigrammata accò-
modare. Libro tertio Georgico. de T auro sic Virgilius.

Pascitur, & magna silua formosa iuuencia,
Illi alternantes multa ui praelia miscent
Vulneribus crebris, lauit ater corpora sanguis;
Versaque in obnixos, urgentur cornua, uasto
Cum gemitu reboant siluae que & magnus Olympus.
Nec mos bellantes una Stabulare; sed alter
Victus abit, longe que ignotis exulat oris
Multæ gemens, ignominiam, plagasque superbi
Victoris,

Victoris, tum quos amisit inultus amores;
Et stabula aspectans regnis excessit autis.
Ergo omni cura uiires exerceat, & inter
Dura iacet pernox instrato saxa cubili.
Frondibus hirsutis, & carice pastus acuta:
Et tentat se: atque irasci in cornua dicit,
Arboris obnixus trunco, uentos que lacefit
Fictibus: & sparsa ad pugnam proliuit arena.
Post ubi collectum robur, uiresque receptae:
Signa mouet, praecepit oblitum fertur in hostem.
Audire licet canentem iam Lucanum eadem de re
in libro secundo.
Pulsus ut armentis primo certamine taurus,
Siluarum secreta petet, uacuosque per agros
Exul in aduersis explorat cornua truncis.
Nec credit impastus, nisi cum ceruice recepta
Excussi placuere tori, mox redditu uictor
Quoslibet in saltus comitantibus agmina tauris,
Inuito pastore trahit. -----
Audiamus duos alios poetas eandem rem canentes, qui-
bus auditis facile erit cognoscere, quis eoru modulatus,
& dulcissimus canat, & naturae rei accommodatus. Status
in libro secundo Thebaidos, sic.

----- Veluti dux taurus amata
Valle carens, pulsum solito, quem gramine uictor
Jussit ab erepta longe mugire iuuencia:

Cum

Cum profugo placuere tori, ceruix que recepto
Sanguine magna redit: fractae que in corpore uires;
Bella cupit; saltusque & capta armenta reposcit.
Jam pede, iam cornu melior. pauet ille reuersum
Victor: & attoniti uix agnouere magistri.

Audiamus mox Valerium Flaccum libro secundo
Argonauticon.

---- qualis per pascua uictor
Inreditur, tum colla tumens, tum celsior ore
Taurus, ubi assuete pecoris stabula alta reuisit,
Et patrium nemus, & bello quos ultus amores.
Nescio qui sonus, & qui concentus remaneant in auribus illius primis carminibus, ut etiam auditis his, non effluxerit illa armonia. An quia ille rem intuitus, & natus ram tauri melius cantum accommodarit rebus ipsis? An quia uenustius, & concinnius singula sit complexus? An quia sincerius loquitur, & proprius? An quia numerosior illius oratio quaesito modis ipsis decoro? An quia ita suis omnibus absoluta numeris nihil nec mens in re, nec aures in concentu requirant? Illa mihi ita iucunda uidentur ut spiritu suo, & succo sese insinuant in animū, influant, delectent. Ubi audio Lucanum languidum nescio quid sentiunt aures, & frigidum; Deinde pingue sane sonans, ut qui enim fieri potest ut taurus uictor comitetur alios tauros, at illud ceruice recepta nescio an proprie dicatur. Status hunc imitatus multa uerba illius transstu-

transstulit, quo rem deterius persequeretur. Flaccus sane melius, quia magis accedit ad maiestatem Virgilianam: sed tamen longo interuallo superat ille taurus hos tenuibus uiribus iuuenços. Quoniam & mature omnia, & dcore profert, uerba propria, res naturae consentaneas, meros idoneos, filum dicendi non alienum, non effutit quidquid in buccam uenit, sed quid rei conueniat, & loco attendit. Faciamus periculum alia in re, ut melius intelligatur hoc, quod uolumus, ut totum hoc negotium absoluamus. Virgilius de quo libro tertio Georgico.

Continuo pecoris generosi pullus in aruis
Altius inreditur, & mollia crura reponit
Primus, & ire uiam, & fluios tentare minaces
Audet, & ignoto se se committere ponto,
Nec uanos horret strepitus; illi ardua ceruix,
Argutumque caput, tareus alius, ovesaque terga,
Luxuriatque toris animosum pectus, honesti
Spadices, glaucique. & mox.

---- Tum siqua sonum procul arma dedere
Stare loco nescit, micat auribus, & tremit artus,
Collectumque premens uoluit sub naribus ignem
Densa iuba, & dextra iactata recumbit in armo.
At duplex agitur per lumbos spina cauatque
Tellurem, & solido grauiter sonat ungula cornu.

Et mox.
Jamque humiles, iamque elati, sublime uidentur

Aera per vacuum ferri, atque assurgere in auras,
 Nec mora, nec requies —
 Lucanus in quarto.
 Quippe ubi non sonipes motus clangore tubarum
 Saxa quatit pulsū, rigidos uexantia frenos
 Oratenens, spargitque iubas, et surigit aures
 Incertoque pedum pugnat non stare tumultu.
 Fessa iacet ceruix, fumant sudoribus artus,
 Oraque projecta squalent arenaria lingua,
 Pectora rauca gemunt, quae creber anhelitus urget,
 Et defecta grauis longe trahit ilia pulsus,
 Siccaque sanguineis durescit spuma lupatis
 Iamque gradum neque uerberibus, stimulisq; coacti,
 Nec quamvis crebris iussi calcaribus addunt.

Silius Italicus in libro decimo.

Sic ubi profiluit Pisaeo carcere praeceps
 Ante suos it uictor equus, curritque per auras
 Non solum ante alios, sed etiam (mirabile dictu)
 Haud ulli durant uisus aequare uolantem.

Claudianus in Nuptijs Honorij.

Nobilis haud aliter sonipes, quem primus amoris
 Sollicitauit odor, tumidas, quatiens que decoras
 Curuata ceruice iubas Pharsalta rura
 Peruolat, et notus timitu flagitat annos
 Naribus accensis, mulcet fecunda magistros
 Spes gregis, et pulchro gaudent armenta marito.

Primus,

Primus, et ultimus hic aures demulcent magis
 quam illi duo intermedij: certe quia inest in illorum
 cantu aliquid, quod et animum iucunda rei exposi-
 tione excitet, et aures suavi concentu recreet, et in-
 timos sensus influat. Ac de Virgilio nemo dubitat
 quin hoc, et in quo quis certamine, ut generosus equus
 palmam reportet, qui iam metas absolutionis totius
 contingat, cum alij ne dum carceribus egrediantur,
 ut uere sit ille generosus equus de quo ipse tam sudui-
 ter canit.

Jamque humilis, iamque elatus sublime uidetur
 Aera per vacuum ferri atque assurgere in auras.
 Nec mora, nec requies.

Itarebus accommodat ingenium, ita numeris utitur
 idoneis, uerbis proprijs, locutionibus in rem aptis,
 nihil ut requiras. At Lucano si Diū qualēm dederunt
 mentem, dedissent facultatem preclare certe cum bo-
 no, et sonora quaedam amante poeta actum esset.
 Sed unum illud non probabit, qui legerit Virgilium,
 peregrinitatem quandam, et sermonis quasi quandam
 improprietatem, qui quatit saxa, quomodo ferit ora
 uexantia frenos, quid pugnat non stare tumultu pe-
 dum, quid subrigit aures, et spargit iubar, et ses-
 sa iacet ceruix. Quid illud ora projecta squalent aren-
 ia lingua, hoc diceret de cane in medio calore solis,

N et di-

*E*t diceret humilius quam res postulareret, quomodo gemunt pectora, tu alia examina ne uideantur grandiloquum poetam accusare. At Silius Italicus illi par, et aequalis, mirabile dictu est, quam currat ipse per auras, nec firmet pedem, ubi necesse est. Mirabile dictu quam languide, quam non uolent uersus, quam affere, quam improprie uerbum durant aequare. Nec enim oculus durat aequare currentem. Elegantius certe Claudianus, qui illam ideam Virgilianam inspexit. Tu si haec, et alia inter se se conferas quid in hoc, quid in illo desideretur uidebis, et quod in alijs requiris, in te ne alijs notent, curabis. Turpe est enim in eo peccare, in quo alium accuses, et ibi esse negligentem, ubi alterius negligentiam flagites. Compone caute, considerate, mature, adhibe iudicium; emenda prudenter, nolit uos ita demulcere partus, ut etiam quae uitiosae sunt, ames. Noli imitari feles, qui quoniam partum celerrime edunt, cæcum pariunt: Cogita tunc te sat cito componere, cum sat bene hoc praestas. Da operam ut nihil tibi excidat, quod non sit bene cohaerens, et cuius non possit reddi certa ratio. Non putas in eo esse omnia, si quacunque de re epigramma facile componas. Sed cogita diligenter tibi quocunque esse emendandum, corrigendum, limandum. Ne sis parcus in delendo, sed quae

quae dissonant, nec numerorum legibus quadrant, nec concinne dicuntur, oblittera, muta, adde, deme, uerte, expende, et male formatos redde iterum in-
cudi uersus, nihil nisi perfectum ama: Cetera con-
temne.

Quomodo explicari debeat res uel iam ab
alijs tractata, uel noua, caput
trigesimum.

QVI aliquid præclarum in arte poetica sunt af-
secuti omnes se ad imitationem composuerunt:
sed duo illa requiruntur ars, et natura, ut Horatius
admonet in arte poetica; quoniam nec studium sine di-
uite uena, nec rude quid prodest ingenium. Utraque
res coniuncta uberrimos fructus affert. Si enim
Zeuxis ille Heracleotes dum Crotoniatis Helenam
uult effingere, quo uenustiorem formaret, plures uir-
gines unum in locum uoluit conuenire, ut ex quali-
bet aliquid præclarum in imagine sua imitaretur,
aequum certe est nos illos naturae optimos opifices imi-
tari, ita tamen, ut quid deceat uideamus. Est imita-
tio studium quoddam comparandi similitudinem ex-
cellentium scriptorum: sed hanc nolo seruitutem esse,
nihil ut possis de tuo addere: quoniam hac ratione ni-

bil admiratione dignum unquam efficies. Volo in studio cum ueteribus curras, sed nolo ut pedem ponas in eorum uestigij, quia nec praeceuntem consequeris, nec palmas reportabis unquam, & de ijs, qui hunc seruitutis sunt addicti est accipienda illa Horatij sententia.

O imitatores seruum pecus.

Quod etiam significat in arte obomon.

Nec desiliens initiator in arctum.

Sed ex alia parte non ita tamen naturae facultatem euagari sines, ut omnia de tuo parum, aut nihil imitando alios componas. Sed serua hanc legem. si traetaueris aliquid ab alijs poetis iam explicatum, dabis diligenter operam, ut non sumum ex fulgure, sed ex fumo dare lucem cogites: elabora omni animi contentione, ut illis splendorem adiungas, tenebras non offundas; adde uenustatem, elegantiam, numeros, alioqui non aggrediaris sed nouam materiam assume. Vide quemadmodum Virgilius tractet eandem rem ab alio poeta, non modo Graeco, sed Latino trattatam, nec tamen det fumum ex fulgure: sed cum omnium iudicio sit Valerius Catullus, ut quam maxime cultus, longo tamen interuallo superatur a Virgilio in eare, in qua hic illum est imitatus. Nam Catullum imitatus Virgilius in quarto certe uicit. Ariadnae namque lamentum exprimit in sua Didone,

sed

sed quanto eleganter, quanto prudentius, quod ex utroque tu facile coniicies. Sic Catullus in carmine de muptijs Pelei, & Thetidos, introducit Ariadnam accusantem Theseum.

Siccine me patrijs abductam perfide ab oris
Perfide deserto liquisti in littore Theseu.

Siccine discedens neglecto numine Diuum
Immemor ab deuota domum periuria portas?
Nulla ne res potuit crudelis fletere mentis
Consilium? tibi nulla fuit clementia praesto.

Immitte ut nostri uellet misere scire pectus?
At non haec quondam blanda promissa dedisti
Voce mihi, non hoc miseram sperare iubebas,
Sed connubia laeta, sed optatos Hymenaeos?

Quae cuncta aerij discerpunt irrita uenti.
Tum, iam nulla utro iuranti femina credat:

Nulla uiri speret sermones esse fideles.

Qui dum aliquid cupies animus praegestit apisci,
Nil metuunt iurare, nihil promittere parcunt.

Sed simul ac cupidae mentis satia libido est,
Dicta nihil metuere, nihil periuria curant.

Certe ego te medio uersantem turbine leti
Eripui, & potius germanam amittere creui

Quam tibi fallaci supremo in tempore deesse.
Pro quo dilaceranda feris dabor, alitibus que

Praeda,

Praeda, nec iniecta tumulabor mortua terra.
 Quae nam te genuit sola sub rupe leena?
 Quod mare conceptum spumantibus expuit undis?
 Quae syrtis, quae scylla uorax, quaestu carybdis?
 Talia qui reddis pro dulci praemia uita,
 Si tibi non cordi fuerant connubia nostra,
 Saeua quod horrebas prisca paecepta parentis:
 Attamen in uestras potu isti ducere sedes,
 Quae tibi iuicndo famularer, cerua labore.
 Sed quid ego ignaris ne quicquam conqueror aruis
 Externata malo, quae nullis sensibus auctae
 Nec missas audire queunt; aut reddere uoces.
 Ille autem prope iam medijs uersatur in undis:
 Nec quisquam appetet uacua mortal is in alga.
 Sic nimis insultans extremo tempore facua
 Fors etiam nostris inuidit questibus aures.
 Iupiter omnipotens, utinam nec tempore primo
 Gnosia cecropiae tetigissent litora puppes.
 Indomito nec dira ferens stipendiatauro
 Perfidus in Cretam religasset nauita funem.
 Nec malus hic celans dulci crudelia forma
 Consilium nostris quae sifset sedibus hospes.
 Nam quo me referam? quali spe perdita nitar?
 Isthmeneos ne petam montes? At gurgite lato
 Discernens patriam truculentum diuidit aequor.

An

An patris auxilium sperem? quem ne ipsa reliqui,
 Respersum uiuerem paterna caede secuta.
 Coniugis an fido consoler memet amore?
 Qui ne fugit lento incuruans gurgite remos?
 Praetereo litus, nullo sola insula tecto.
 Nec patet egressus pelagi cingentibus undis.
 Nulla fugae ratio, nulla spes; omnia muta,
 Omnia sunt deserta: ostentant omnia letum.
 Non tamen ante mihi languescent lumina morte,
 Nec prius a fesso secedent corpore sensus,
 Quam iustum a Diuis exposcam prodita multam.
 Caelestumque fidem postrema comprecer hora.
 Quare facta uirum multantes uindice poena
 Eumenides, quibus anguineo redemita capillo
 Frons expirantis paeportat peitoris iras,
 Huc huc aduentate, meas audite querelas.
 Quas ego ue miser ae extremis proferre medullis
 Cogor inops, ardens amenti coeca furore.
 Quae quoniam uere nascuntur pectore ab imo,
 Uos nolite pati nostrum uanescere luctum:
 Sed quali solam Theseus me mente reliquit,
 Tali mente Deae funestet seque, suosque.
 Haec Virgilius intuitus Didonem suam in Ae-
 neam ita loquentem introducit.
 Dissimulare etiam sperasti perinde tantum

Pofse

De conficiendis Epigrām.

Posse nefas? tacitus quē mea decedere terra?
 Nec te nōster amor, neque te data dextera quondā,
 Nec moritura tenet crudeli funere Dido?
 Quin etiam hiberno moliris sidere classem?
 Et medijs properas Aquilonibus ire per altum.
 Crudelis, quid? si non arua aliena, domos quē
 Ignotus peteres, & Troia antiqua maneret?
 Troia per undisonum peteretur classibus aequor.
 Me ne fugis? per ego has lacrimas, de cōtrāq[ue]s tuā te
 Quando aliud mihi iam miserae nihil ipsa reliqui.
 Per connubia nostra, per inceptos Hymeneos
 Si bene quid de te merui, fuit aut tibi quidquam
 Dulce meum, miserere domus labentis, & istam
 Oro (si quis adhuc precibus locus) exue mentem
 Te propter libycae gentes, Nomadumque Tyranni
 Odere, infensi Tyrii te propter eundem;
 Extinctus pudor, & qua sola sidera: adibam
 Fama prior, cui me morientem deseris hospes?
 Hoc solum nomen quoniam de coniunge restat.
 Quid moror? an me Pygmalio dum moenia frater
 Destruat, aut captam ducat Getulus Iarbas?
 Saltē si qua mihi de te suscepta fuisset.
 Ante fugam soboles: si quis mihi parvulus aula
 Luderet Aeneas, qui te tantum ore referret,
 Non equidem omnino capta, aut deserta uiderer.

Nec

Nec tibi Diua parens, gñis, nec Dardanus auctor
 Perfide, sed duris genuit te cautibus horrens
 Caucasus, Hyrcanae que admorunt ubera tigres.
 Nā quid dissimulo, aut quae me ad maiora reseruo?
 Num fletu ingemuit nostro? num lumina flexit?
 Nū lacrimas uictus dedit, aut miseratus amātē est?
 Quae quibus anteferā? Fam iā nec maxima Iuno,
 Ned saturnius haec oculis pater aspicit aequis.
 Nū quam tuta fides, eiēctum litore egentem
 Excepi, & regni demens in parte locauī,
 Amissam classem, socios a morte reduxi
 Heu furijs incensa feror, nunc angur Apollo,
 Nunc lyciae sortes, nunc & Joue missus ab alto
 Interpres Diuum fert horrida iussa per auras.
 Scilicet is superis labor est, ea cura quietos
 Sollicitat, nec te tenco, neque dicta refello.
 I, sequere Italiam uenit, pete regna per undas.
 Spero equidem medijs (si quid pia numina possunt)
 Supplicia hausurum scopulis, & nomine Dido
 Saepe uocaturum; sequar atris ignibus absens.
 Et cum frigida mors anima seduxerit artus
 Omnibus umbra locis adero. dabis improbe poenas.
 Audia, & haec manes ueniet mihi fama sub imos.
 Multa alia deinde subiungit uenustissime, quae tu
 leges in quarto, ut intelligas quomodo imitari debeas.

O dum

dum eandem rem tractas, quam tractarunt iam ante
te alijs ueteres poetae. Maro certe nihil est aggres-
sus, in quo non haberet, quem imitando sequeretur du-
cem, ac ideo eam laudem est consequutus, ut et si Theo-
criti Siculi poetae non potuit assequi sales, acumen,
uim, superarit tamen longo interuallo Hesiodum, Ho-
mero ve par potius fuerit, et aequalis, quam infer-
ior. Nihil ego sane puto esse causae cur Ouidius Naso
singularis ingenij, & copiae uberrimae uir, non singu-
larem tamen fuerit consecutus in scribendo gloriam;
nisi quod tantum naturae suaे indulgere uoluit, ut ni-
mia eius copia tamquam extra ripas diffueret; quae cer-
te poetarum bonorum imitatione fuit coercenda, ut pa-
res fructus opinioni de se concitatae afferret. Si aggres-
sus fueris genus componendi nouum, uide qui poetae
ueteres adipiscantur laudem compositionis, et ijs ute-
re legibus in tua scriptione, aut non dissimilibus. Ab-
stinebis a fabulis in epigrammate quantum fieri pote-
rit: quoniam in antiquis nullus iam est lepor: in no-
uis quia ignotae odium potius. Pro fabulis sint senten-
tiae dulces, graues, nouae, incundae, placidae, non
languidae, non affectatae, non nimis frequentes. Il-
las dum numeris includis adhibe iudicium. Paruas
sententias numerorum genere include paruo, maiores
Elegiaco, sive Heroico uersu, et sic de ceteris. Ne in-
seras

seras uoces sine iudicio, uel si uenustae, uel si sint pere-
grinae, uel poeticae, alio flexu, quam boni poetae, uel
saecula politiora adhibuerunt.

Haec habui de hoc ornatissimo poematis genere di-
cere, nec quidquam aliud in presentia uenit in men-
tem quod in rem esse uideatur; quae si utilia sint littera-
riae familiae, tibi q; Rex optime et potentissime non
ingrata futura; id sane in meis rebus secundis adnu-
merabo; agamque immortali Deo gratias immorta-
les, cuius ope cogitationes nostrae nituntur magis,
quam ulla facultate mea. Quod si utiliora cuiquam in
mentem uenerunt de toto hoc genere eum ego oratum,
obtestatumque uolo, ut quae nos non potuimus ob in-
genij inopiam assequi, ipse utilitati communi consu-
lens, & haec emendet, & sua det in lucem. Nos enim
utilitatem, non laudem spectamus.

P. C. Libellus. 12. d. J. 150. G. B. D. 12.

F I N I S.